



Pl. 2871

246,738

St. 9256

**Astrolabij quo primi mo-
bilis motus deprehen-
duntur Canones.**



Instrumentum Astrolabis etiam Impressum
est Venetijs in officina Petri Liechten-
stein Coloniesis Germani año 1512

* * *

* *

*

Instrumentum *Grandolini*

St. 4256



BIBLIOTEKA
UMCS
LUBLIN

P 541 | 57 | 15

In opus et instrumentū astronomicū Astrolabium uel Planisphæriū appellatū Canones incipiunt Felicibus astris.



Sphæra solida que et astrolabiū sphericum appellatur cum sit astronomice scientie instrumentū excellentius et p̄ceteris accomodatius. Quia in eius uisum p̄pter magnitudinē uisum ob magnam impensam ad conficiendam non datur facile copia. Ne igitur studiosi sideralis scientie suo frustrētur usu

loco illius astrolabium accipere consulti sunt comodissime. Quod quidē post spheram solidā ad astronomicā practicā nobiliter exiit et p̄ceteris aptius est expertū. Astrolabiū enim grece dicitur acceptio stellarū latine: eo quod per ipsum accipitur cognitio multorum que ex moribus et quantitatibus et sitibus corporū celestium queruntur. Et est instrumentū figure circularis multiplicibus circularis et lineis descriptū ualens ad astronomie et ad geometrie operationes. Quod etiam a ptolemaeo planisphæriū appellatur. Cum sit quasi spheræ extensio super planū ut patet diligenter cum intuenti. Sed cum plurimi ob nimiam quandoque accuratationē et magnam scriptorum sententiā canones: astrolabij utilitates declarantes intelligere et memorie mandare non ualuerūt. Igitur fortassis uile erit non novos sed priores canones utilitates astrolabij declarantes: ad formā modico longiorē faciliorem tamen redigere et si qua p̄pter breuitatē ibi diuissa sunt hic suppleri possunt Nomina partium instrumenti astrolabij cognoscere.



Ed quia utilitates astrolabij sine aliquorum terminorum expositione modo bono haberi non possunt ideo necessaria erit eorundem precognitio. Nam nisi nomen rei sciatur: cognitio rerum perit. Ut ergo melius habeatur operatio astrolabij omnia nomina instrumentorum in astrolabio positorum sibi ordinem describemus. Sunt autē nomina instrumentorum plura. Primum dicitur Armilla suspensoria et est illud instrumentū per quod astrolabiū suspenditur ad capiendum altitudinem solis de die uel stellarum de nocte et arabice dicitur alban atbia uel alantbica. Secundum instrumentū arabice dicitur alhabos id est ansa uel clauus qui coniungit armillam cum astrolabio. Alij dicunt quod alhabos sit foramen concauū factum

in aliquibus astrolabijs in quo armilla mouetur. Tertium est mater rotula continens in se omnes tabulas regionū: in quibus sunt tres circuli super centrum eiusdem tabule descripti. Quorum minimus dicitur circulus cācri. Medius equinoctialis siue arietis siue libe. Maior vero circulus capricorni uocatur. Et in extremitate matris rotule per circuitū est limbus in aliquibus instrumentis eminens in aliquibus vero nō: in 360 partes siue gradus diuisus qui 7 margilabzū quasi labzū marginis nominatur

Deinde sequitur almicantarath id est circuli progressionū solis vel altitudinum. Et sunt descripti in hemispherio seu in medietate superiori versus armillam cōputando. Quorum quidā sunt perfecti quidā imperfecti. Et primus illoz dicitur horizon obliquus id est terminator visus in sphaera obliqua: qz ipse diuidit hemispherium superius ab hemispherio inferiori. Et quicquid ē sub illo circulo est sub horizonte: quicquid autem est supra ipsum est supra horizontem. Et centrum interioris almicantarath genitū regionis vel ciuitatis ad quaz est facta tabula nominatur Zenith autem regionis vel ciuitatis dicitur esse punctus in celo directe regioni vel ciuitati suprapositus. Deinde sequitur almicantars et sunt circuli imperfecti intersecantes almicantarath quos latini vocant circulos verticales: eo qd super verticem id est super genitū capiuntz transeant 7 distinguunt horizontē in 360 partes

Deinde sequuntur due linee recte intersecantes se in centro tabule: quaz prima descendit ab armilla per centrum ad oppositā partē tabule 7 dicitur linea medij celi 7 medie noctis: ita qd pars eius superior que est supra horizontem dicitur linea medij celi siue linea medij diei: 7 alia pars. s. inferior que est sub horizonte dicitur angulus terre seu medij noctis. Secunda autē linea que intersecat lineam medij celi est horizon rectus: 7 est illoz qui habitant sub equinoctiali. Postea sunt arcus. 12. horarum inequalium immediate in inferiori id est sub horizonte descripti. Et inter illas horas aliqua astrolabia habent duas crepusculinas lineas descriptas per quas initium diei 7 noctis fin vulgus accipitur.

Deinde sequitur aliud instrumentū, quod arabice alencabuth latine vero aranea vel rethe dicitur in quo est zodiacus per 12. signa eius cum eozū gradibus descriptus. Cuius extremitas con-

nera dicitur esse via solis seu ecliptica. Et circa initium capiti
corni in eodem zodiaco est relictus quidam denticulus qui dicitur
a rabice almuri latine vero ostensor: quia ipse est qui ostendit
gradus in limbo descriptos. Et in eodem recti ponuntur stel-
le fixe quarum quedam dant occasum quedam non. Alia omnia
que ponuntur in recti sunt facta ad decorum et pro tenaculo stellarum
ibi fixarum positarum. Sciendum quod omnia signa cum gradibus
eorum et stellis que intra equinoctialem circulum et centrum
astrolabij continentur dicuntur septentrionalia: et omnia que sunt
extra versus circulum capricorni dicuntur meridionalia. Foramen
in centro instrumenti transiens per recte et omnes tabulas
dicitur arabice almehban. Clauus autem intrans illud foramen
vocatur axis in quo. s. axe est foramen quoddam quod latine
stabilum dicitur. Clauus vero intrans illud foramen restrin-
gens araneam cum rotula alphozar id est equus appellatur. Et
sic habemus omnia nomina instrumentorum in vna parte astrolabij
contenta. In alia vero parte astrolabij que pars dorsum astro-
labij dicitur sunt duo circuli lati descripti pro vero loco solis et
altitudine recipienda: quorum vnus interior est diuisus in tres partes
scilicet latitudinem: quarum superior continet dies anni. s. 365.
Media vero numerum dierum semper a quinque in quinque regula-
rum. Tertia vero pars continet nomina mensium: et hic circulus
non habet centrum suum cum centro astrolabij vt manifeste
apparet in eius descriptione. In exteriori vero parte circulo-
rum figurantur scilicet latitudinem quattuor circuli partiales: in superio-
re eorum ponuntur numeri graduum per quos sumitur altitudo
solis et stellarum: cuius quilibet quarta habet 90. gradus a
quinque in quinque computatos: et sub isto pinguntur 360. gradus
zodiaci sub quo numerus graduum signorum a quinque in quinque
computantur. In interiori vero in nomina signorum sunt descripta.
Postea sunt linee horarie in superiori parte versus armillam
descripte. Et in parte inferiori est quadrans cuius quodlibet
latus in 12. partes equales est diuisum que dicuntur digiti vel puncta.
Deinde est linea transiens ab initio arietis ad initium libe
per centrum astrolabij. Ultimo sequitur regula siue voluella
que voluitur in dorso astrolabij que etiam allidada vel medicinum

dicitur in qua sunt posite due pinule seu tabelle ad capiendū alti-
tudinē solis in die ⁊ stellaz in nocte. Cuius vnū latus quod trās-
it per centrū astrolabij dicitur linea fiducie eo q̄ fidē facit de ibi-
dem praticanis. Et sic est finis nominū instrumētōz in astro-
labio positorum. Et vt melius pateret legenti possent figure in
margine depingi: vel in ipso conspicerē instrumento.

Solis gradum i zodiaco quolibet die anni habere.



¶ Per astrolabiū volueris scire in q̄ gradu zodiaci sit
sol quolibet die anni sin veruz eius motū. Pone latus
regule q̄ linea fiducie dicitur sup diē p̄sentis mensis
⁊ sup quēcunq; gradū cadat linea fiducie in supiori
circulo in illo est sol: Dignum autē cuius est ille gradus reperies
sub gradibus descriptis. Ecōuerso si nosti gradū solis pone re-
gulā sup eū ⁊ inuenies diē mensis ei correspondētē. Inuen-
to gradu solis in dorso astrolabij nota eundē in reibi in zodiaco
posito. Similiter nota gradū directe oppositū gradui solis ⁊ illū
voca nadir solis. Serua hec in mēoria qz valebūt ad subsequētia

Alti tudinē solis ⁊ stellarum capere.



¶ Cū volueris scire altitudinē solis q̄libz die āni id est
per quot gradus eleuatur centz solis ab horizōte tuo
suspede astrolabiū in radijs solaribus p̄ suam armillā
ad pollicē manus dextere vel sinistre vt libere p̄deat. Et verte re-
gulam versus solem ⁊ continue paulatim subleua vel depzime re-
gulam donec radius transeat per foramen vtriusq; tabelle. Et
cū videris: tunc diligenter considera per quot gradus eleuatur
regula sin lineam fiducie id est linea illa que transīt a principio
arictis per centrū astrolabij computando: ⁊ numerus illozū
graduum erit altitudo solis existens. Eodem modo recipe al-
titudinem stellarum fixarum in nocte nisi q̄ ad recipiendum al-
titudinem stellarum oportet te eleuare astrolabium vltra oculū
⁊ recipe stellas per duo maiora foramina tabellarū ⁊ tactus re-
gule in e tremitate astrolabij erit altitudo stelle. Et ob hanc
causam ponuntur in qualibet tabella duo foramina vnū ma-
ius propter stellas que radios fortes non habent: et aliud mi-
nus propter solem.

Horā inequalē ⁊ quattuor angulos celi die ⁊ nocte habere.



S quolibet die horā inequalem: 7 gradū ascendente id est horizontē: 7 gradum occidentē: gradūq; mediū celi: 7 medię noctis id est gradū existentē in āgulo terre: qui quatuor gradus dicitur quatuor anguli scire volueris. Hora quā in quo est sol eodē die in rethi 7 eleva eū super tantā altitudinē inter almicantharath quāta est altitudo solis in dorso astrolabij: 7 hoc ex parte orientis si est ante meridiē: vel ex parte occidentis si est post meridiē. Hoc facto vide super quā horam inter lineas horarias ceciderit nadir solis id est gradus oppositus gradui solis illa est presens hora: 7 tunc respice quō signū 7 quis gradus signi cadit sup̄ primū almicantharath ex parte orientis ille enī gradus eadē hora: est ascendēs. Et qui cadit sup̄ ultimū almicantharath ex pre occidentis est occidēs 7 qui in linea meridiana ē mediū celi 7 q̄ in linea medię noctis est angulus terre

Horā inequalē 7 quatuor angulos celi in nocte habere.



S hoc idē quod iam dictū est in nocte scire desideras: accipe altitudinē alicuius stelle fixe in rethi posite quā vides et noscis: et hanc stellā pone sup̄ altitudinē inter almicantharath cuius altitudinē inuenisti in dorso astrolabij: 7 hoc ex pre orientis si est ante lineā mediū celi: 7 tunc vide sup̄ quā horā inequalē cadat gradus solis: illa est presens hora.

Ascendens vero 7 alios angulos inuenies vt prius. Et nota quod hora inequalis est pars 12. diei vel noctis artificialis. Sed hora equalis est pars 24. diei naturalis. Vel aliter hora inequalis est in qua elevatur 15. gradus zodiaci. Sed hora equalis est in qua elevantur 15. gradus equinoctialis. Similiter nota quod in quibusdā astrolabijs spaciū inter duo almicantharath valet unū gradū in quibusdam duos: in quibusdā quattuor 7 sic de alijs. Tibi autē almicantharath valet unū gradū ibi nō est aliqua difficultas in locando gradum solis vel stellam in sua altitudine. Sed vbi almicantharath valet ultra unū gradum ibi est maior labor. Si ergo valet duos tres vel quattuor 7c. 7 altitudo solis quā accepisti in dorso astrolabij non cadit tibi precise sup̄ almicantharath. Sed cadit inter duo almicantharath: 7 si dabis quo debes locare gradum solis inter almicantharath: tūc volue gradū solis ad inītiū pcedentis almicantharath 7 nota gra

añ almuri in margine. Deinde volue gradū solis super sequēs al-
 micantbarath 7 iterum nota locum almuri 7: vide quot sint gra-
 dus in margine a prima nota ad secundā 7 illos multiplica per
 gradus id est per gradus solum dubios qui cadunt inter duo al-
 micantbarath alijs dimissis cum quibus debuiti intrare inter
 duo almicantbarath 7 productū diuide per numerū graduum
 id est per tot gradus quot valet tuū almicātharath: si valet tres
 per tres: si quattuor diuide per quattuor zc. qui sunt inter duo al-
 micantbarath: 7 si aliqd fuerit residuū multiplica per 60. 7 diui-
 de per idem: id ē gradus sicut prius diuisti. s. p. quantū valet tuū
 almicantbarath 7 erunt minuta gradus. Quo facto volue al-
 muri a prima nota in margine signata per tot gradus 7 minu-
 ta quot ererunt in numero quotiente 7 tunc gradus solis ita-
 bunt pccise in sua altitudine. Si autē diuidere nescis vide nu-
 merum graduum quos ptransiuit almuri in limbo 7 recipe de eo
 talem partem: a secunda nota cōputando qualis fuerit numerus
 graduum videlicet gradus qui cadunt int r duo almicātharath
 alijs relictis vt supra cum quibus non intrasti respectu numeri
 inter duo almicantbarath 7 ibi pone almuri 7 habebis intentū

7 crepusculi initiū in mane 7 finem in sero scire



¶ **C**um volueris scire finē crepusculi vesprini vel initiū
 crepusculi matutini vide qñ gradus solis peruenerit
 ad lineā crepusculinā oc identalē nā tunc est finis cre-
 pusculi vesprini. Quando autē venerit ad lineā cre-
 pusculinā orientālē tunc est initiū crepusculi matutini: hoc autē qđ
 iam dictū est poteris scire per aliquā stellaz fixaz dñ ipsaz super
 eius altitudinē in almicantbarath posueris. Et intellige canonē sī
 linea crepusculina in astrolabio ē descripta. Si autē hec linea in
 astrolabio non fuerit descripta tunc vide qñ nadir solis fuerit cle-
 uatum ex parte orientis: s. gradus inter almicantbarath nam
 tunc erit finis crepusculi vesperini: vel ad 18. gradus ex parte oc-
 cidentis 7 tunc erit initium crepusculi matutini. Et repuscu-
 lum dicitur tempus medium inter diem clarum 7 noctem ob cu-
 fam 7 sic crepusculum matutinum est ante ortum solis quod au-
 roza dicitur 7 finitur in ortu solis. Vesperinam vero crepu-
 sculum est tempus post occasum solis initium sumens ab occasu.

solis z finitur cum nox obscuratur: z vnusq; s'm philosophos an
numeratur nocti: secundum vulgum vero diei computatur.

Quantitatem arcuum diurni z nocturni scire.



Quoniam volueris scire arcū diei z noctis. Pone gradū
in quo est sol super primū almicātharath ex parte
orientis z nota almuri in limbo: post hoc moue gra-
dū solis cū recte per meridiē vsq; ad occidentē id est
vsq; ad almicātharath occidentale z nota almuri in limbo. De n-
de cōputa oēs gradus a prima nota vsq; ad secundam s'm motū al-
muri z habebis arcum diurnum. Reliqui vero gradus limbi
a secunda nota vsq; ad primam computati faciunt arcum no-
ctis. Celi subtrahere arcum diurnum a 360. gradibus z residuus
erit arcus noctis: quia arcus diurnus cum nocturno aggregatus
facit 360. Est autem arcus diei in proposito arcus equinoctia-
lis per ortus eo tempore quo sol mouetur ab initio ortus vsq; ad
eius occasum. Et per tantum arcus noctis dicitur esse arcus
equinoctialis per ortus eo tempore quo sol mouetur ab occasu vsq;
ad ipsius ortum. Similiter facies cum stella sicut fecisti cum
gradu solis ad sciendum horam eius super terram vel sub terra.

Quot horas equales habeat

quilibet dies artificialis scire.



Siquolibet die scire volueris ex quibus horis equalibus id est
horis equinoctialibus ut sint horae horologij constet quibus
bet dies artificialis: diuide arcū diurnū illius diei per
quindecim z in numero quotiente habebis numerū horarū equalium z si
aliquid fuerit residuum multiplica per quatuor z habebis mi-
nuta horae. Similiter fac de arcu noctis diuidendo eum per
quindecim z habebis in numero quotiente horas noctis z de re-
siduo fac ut prius: quia horae diurnae z nocturnae simul aggregate
faciunt 24. horas z semper 60. minuta faciunt vnā horam.

Quantitatem graduum zodiaci con-

tenentiam ab hora inequali habere



Siquolueris scire quantitatem horarū inequalium cuius
cuius diei id est quot gradus equinoctialis oriuntur in vna
hora inequali: diuide arcū diurnū per duodecim z in
numero quotiente habebis numerū graduum horae diurnae. Et si

Et si aliquid habebis residuum multiplica per 60. et diuide ut prius per duodecim et habebis in numero quotiente minuta gradus qui gradus et que minua sunt quantitates hore diurne inequalis qua si subtraxeris a 30. gradibus remanebit quantitas hore inequalis nocturne. Et causa est quare subtrahitur a 30. gradibus: quia quantitas hore inequalis nocturne cum quantitate hore inequalis diurne faciunt 30. gradus omni die: qui 30. gradus faciunt duas horas inequales. Vel aliter inuenies quantitatem hore inequalis nocturne diuidendo arcum nocturnum per 12. faciendo ut prius fecisti de arcu diurno.

Quota pars hore inequalis transiit quando hora est incompleta scire.



Quando queris horam aequalem et nadir solis vel gradus solis non ceciderit precise super lineam horariam in astrolabio descripta. Sed ceciderit super spacium inter duas lineas horarias contentum tunc talis hora inequalis super quam ceciderit est incompleta. Et cum vis scire quota pars ipsius est elapsa videlicet vtrum tertia vel quarta etc. tunc statim non mouendo reticula nota locum almuri in margine: deinde moue nadir solis si est in die vel gradum solis si est in nocte ad initium illius hore et iterum signa almuri: postea computa gradus in limbo inter primam notam et secundam secundum motum almuri quos memorie comeda et moue almuri ab initio hore usque ad finem hore illius et iterum signa locum almuri: Quo facto vide quot sunt gradus inter secundam et tertiam notam: quia ipsi sunt quantitas totius hore inequalis et quota pars fuerit gradus prius seruati inter primam et secundam notam respectu graduum totius hore tota pars hore inequalis transiit.

Horas equales transactas ab ortu solis in die: et ab occasu eiusdem in nocte scire.



In quolibet die vis scire quot hore equales transierunt ab ortu solis usque ad horam tue considerationis. Pone gradum in quo est sol eadem die super equalem altitudinem inter almicantharath ex parte orientis vel occidentis qualem inuenisti in dorso astrolabii: et signa locum almuri in gradibus limbi. Deinde voluc retro gradum solis usque ad primum almicantharath ex parte orientis et iterum notam locum almuri. Postea

à prima notā ad secundam fin motum almuri computa semper quindecim gradus pro vna hora: et si fuerit quid minus quindecim tunc pro quolibet gradu pone quattuor minuta hore. Et diuide gradus qui sunt inter primam notā et secundam per quindecim et in quoriente habebis horas et residuum multiplica per quattuor et habebis minuta hore. Que hore et minuta sunt transacte ab ortu solis. Similiter facies de nocte si volueris scire horas noctis equales transactas ab occasu solis ponendo aliquam stellam fixam tibi notam super suam altitudinem et signa locum almuri. Deinde duc gradum solis ad almicantharath occidentale et signa iterum locum almuri: et gradus limbi inter hec duo loca diuide per quindecim: et cetera faciendo vt prius et habebis horas noctis.

Quora sit hora correspondens horologio scire.



Um volueris scire quora sit hora fin circuli horologio de viginti quattuor horis. Scias primo horas equales et minuta horarum ab ortu solis ad tempus tue considerationis per canonem precedentem: quas horas et minuta adde super omnes horas et minuta horarum noctis illius diei et numerus horarum exiens sunt hore complete: et minuta ultra horas si supersuerint sunt partes hore incomplete que respectu sexaginta debent denominari vt si fuerint 30. minuta mediam horam: si viginti tertiam partem: si 15. quartam partem hore incomplete denotabunt.

Horas inequales ad equales et contra reducere.



Vis horas equales conuertere in horas inequales vel econuerso horas inequales ad equales. Multiplica horas equales per quindecim et erunt gradus. Et si cum illis horis fuerint minuta pro quibuslibet quattuor minutis accipe gradum et adde cum prioribus gradibus et totum diuide per quantitatem vnius hore inequalis: et numerus quorients ostendet horas inequales. Et si aliquid fuerit residuum multiplica per 60. et diuide per idem vt prius: et habebis minuta hore que iungas horis inequalibus et diuide vt prius. Si vero horas inequales vis reducere ad equales: tunc numerum horarum inequalium

multiplica per quantitatem vnus hore Inequalis et productū diuide per quindecim ⁊ eribunt hore equales. Residuum vero diuisionis si fuerit multiplica per 60. ⁊ productum diuide per quindecim vt prius et eribunt minuta que debent iungi horis equalibus.

Quattuor angulos celi: tempore nebuloso quo non appar et sol habere



Cum volueris prope veritatem scire ascendens medium celi occidens ⁊ angulum terre tempore nebuloso Scias primo per horologium bene correctum quot hore equales sunt complere ⁊ quanta pars hore incomplete transiuit. Et hoc poteris scire aliquo modo sine estimatione tuam propinquas. Tunc pone gradum solis super almicantharath occidentale si horologium incipit cursum ab occasu sicut faciunt horologia italica. Vel pone gradum solis super lineam meridiei si horologium tue considerationis incipit a meridie sicut fit in partibus orientis ⁊ circa ciuitates stagnales. Quo facto vide vbi stat almuri ⁊ ab eodem loco moue ipsum sine motum diurnum per tot horas ⁊ partes horarum quot transierunt hore horologij computando semper quindecim gradus pro vna hora ⁊ vnū gradum pro quattuor minutis hore. Et gradus zodiaci qui tunc venerint super primum almicantharath ex parte orientis erit ascendens ⁊ gradus oppositus erit occidens ⁊ qui erit in linea meridiana erit medium celi. Et eius oppositus angulus terre. Et iste canon non est multum necessarius in iudicijs astrozum quia quotidie sol non appareret. Sed tamen precisus fierent si haberentur radii solares.

Quattuor angulos celi tempore coniunctionis vel oppositionis luminarium habere.



Sihaueris coniunctionem vel oppositionem solis et lune in horis ⁊ minutis post meridiem alicuius diei ⁊ volueris habere gradum ascendente ⁊ alios tres angulos ad eandem horam. Pone gradum zodiaci in quo erit sol tempore eiusdem coniunctionis vel oppositionis super lineam meridiana ⁊ moue almuri di recto incessu per totos 15. gradus que sunt hore coniunctionis vel oppositionis ⁊ per quibuslibet quattuor minutis hore moue almuri per vnus

gradum in limbo: 7 dum hoc totum compleueris vide quis gra-
dus zodiaci tangit almicantharath orientale illius erit ascendens
7 qui mediū celi erit mediū celi. Si autē hore cōiunctionis cō-
putātur a medio noctis tunc pone gradū solis super lineā medie
noctis 7 fac vt prius. Et si hore cū suis minutis cōputātur ante
meridiē vel ante mediū noctis: tūc posito gradu solis in linea me-
ridiei vel medie noctis retr. ocède cum almuri per totiens 15. gra-
dus quot sunt hore ante meridiē vel ante medium noctis. Et
hec doctrina multum valet ad sciendum quolibet mense qualita-
tem aeris in caliditate frigiditate humiditate vel siccitate.

Solis maximam eleuationem 7 e-
tiam stellarum ab horiçonte scire



Si volueris scire quolibz die quāta est solis ab oriçōte
maxima eleuatio. Pone gradum i quo ē sol eodē die
in quo hoc scire desideras sup lineā mediū celi. Et alti-
tudo a primo almicantharath vsq; ad gradū solis cōputata erit
altiludo maxima illius diei. Et quicunq; inueneris hāc altitudi-
nē in dorso astrolabij tunc erit verus meridiēs illius diei. Eō-
dem similitur poteris facere de stellis fixis si volueris earum maximā
eleuationem scire ponendo sumitatem stelle super lineam meridi-
anum 7 computando vt prius.



Sol vtrum sit ante vel post meridiem scire.

Um sol fuerit ppe meridiē 7 dubitaueris virū sol est
post vel an meridiē: tunc recipe altitudinē solis in dor-
so astrolabij quā sua 7 notetur pma altitudo 7 inodi-
co intervallo clapsō recipe scdo altitudinē solis 7 tūc vide si illa al-
titudo secūda sit maior prima: tunc scias quia sol adhuc est ante
meridiem: si autem illa secunda altitudo fuerit minor prima tunc
sol descendet p. st meridiem.



Il. Hora inaequalem p dorsum astrolabij scire.

Si habueris horas ineqles i dorso astrolabij scriptas
7 volueris per eas scire horā inaequalē. Pone regulā
sup altitudinē solis maximā illi^o diei 7 vide vbi linea
finis hore septime secuerit lineā fiducie ipsius regule ibi fac no-
tam cum atramento vel alia re 7 hanc notam serua per duos vel
tres dies: quia notabiliter non mutatur; deinde de quacunq; ho-

ra reperies altitudinem solis vide super quam horam inaequales
cadit hec nota illa enim erit presens hora.

Ad habendū in quo gradu zodiaci sit sol aliter q̄ dictū sit.



Sis vis scire aliter q̄ docuit primus canon in quo gra
du zodiaci quolibet die erit sol. Done signū de atrame
nto vel aliquo alio in linea meridiana inter alme
cantarath super maximā altitudinē solis quā potui
sti inuenire in dorso astrolabij dū sol ascendebat in meridie. Dein
de volue recte circulariter ⁊ cōsidera qui gradus tangūt notam
priorē et erunt solū duo gradus tangētes quoz vnus est gradus
solis per signū mensis cuius fuerit dies vel per quatuor tēpora an
ni. Nam si fuerit tēpus vernale tunc sol erit in aliquo triū signo
rum de prima quarta incipiendo computationem ab arietē. Si
in estate in secunda quarta: si in autumno in tertia quarta: si in hy
eme in quarta quarta.

Notabile pro declaratione canonum sequentium.



Pro cognitione sequentiū est sciendū q̄ zodiacus du
pliciter imaginatur diuidē primo s̄m longitudinē per
circuitū in 360. partes equales. Sec̄do s̄m latitudinē
in 12. partes etiā equales que partes omnes dicuntur
gradus zodiaci. Sc̄dm primos gradus cōpurantur motus pla
netaz a principio arietis. Et s̄m sec̄dos sumitur latitudo astro
rum que dicitur esse distantia eorum a via solis seu a linea eclip
tica que directe imaginatur diuidere totum zodiacum s̄m latitu
dinem in duas partes equales. Hec enim linea ecliptica diuis
ditur in semicirculos duos quoz vnus est a principio cancri
vsq; ad principiū capricorni per librā transeundo. Alter a princ
ipio capricorni in principium cancri per arietem computando.

Et principium cancri est solistitium estiuale quia sole in eo ex
istente altius nō ascendit sol ad zenith caput nostrorum. Sed
statim quasi stando incipit retrocedere. Et principium capri
corni est solistitium hiemale quia sol incipit ascendere versus no
stram habitationē. Alterius nota q̄ declinatio alicuius gra
du zodiaci non est aliud nisi distantia ipsius ab equinoctiali cir
culo versus septentrionem vel meridiem que distantia capitur
in circulo magno transeunte per polos mundi ⁊ per gradum ta

tem zodiaci. Et est duplex septentrionalis et meridionalis. Septentrionalis est ab equinoctiali versus polum arcticum vel centrum astrolabij. Meridionalis vero ab equinoctiali versus polum antarcticum et circulum capricorni. Ex quo habetur quod primus gradus arietis et libe nullam habent declinationem omnes autem alij gradus habent maiorem vel minorem declinationem secundum quod plus vel minus distant a primo gradu arietis vel libe.

Item nullus gradus zodiaci habet maiorem declinationem quam primus gradus cancri et primus gradus capricorni: et talis est fere viginti quattuor graduum et quancunq; declinationem habet aliq; graduū tantū habet sol in tali gradu existens. Sciendum etiam quod omnes duo gradus equaliter distantes ab aliquo duorum solsticiozū predictozū sunt equalis declinationis versus septentrionem vel meridiem et dies eozum et noctes ymbre et altitudines meridiane sole in eis existente sunt equalis

Solis declinationem et etiam stellarū recipere.



Sivolueris scire declinationem cuiuslibet gradus zodiaci. Pone eum super lineam medij celi et vide per quot gradus eleuatur ab horizonte inter almicantharath et numerū serua. Deinde pone primū gradū arietis vel libe super eandē lineam medij celi et consimiliter vide ipsius altitudinē ab horizonte inter almicantharath quā altitudinē subtrahes a prima si fuerit maior vel prima a secunda si secunda fuerit maior et quod remaserit erit declinatio ab equinoctiali. Et si gradus fuerit septentrionalis erit declinatio septentrionalis si meridionalis erit tūc declinatio meridionalis. Vel alio modo poteris hoc scire. Pone unum gradum de quo hoc scire cupis super lineam meridianam et vide quot gradus de gradibus almicantharath sunt inter equinoctiale circulū et gradum redictū et habebis declinationem gradus quęlitā. Eodē modo inuenies declinationem stellarū si rapponēdo cacumē illarū super lineam meridianam et vidēdo gradus quę sunt inter equinoctialem et cacumen illius stelle vel faciēdo secundum primum modum ut placet et habebis intentum.



Dies et noctes sibi inuicē equales in anno scire. Et quo quilibet dies artificiales anni habet aliū diē sibi similitē et similitē noctē ut aliqualiter patet ex pre-

cedēti declaratiōe Si ergo vis scire qui dies artificialis huic diei sit equalis. Tunc recipe duos gradus equaliter distantes ab altero duorum solsticioꝝ ⁊ dies ⁊ noctes eoz artificialis sole in eis existente erunt equales Verbi gratia recipe primum gradum geminorū ⁊ primum leonis quoz quilibet distat a primo gradu cancri per 29. gradus: tunc quot horas equales habebit dies sole existente in primo gradu geminorū: tot habebit sole existente in primo gradu leonis: et ita fit de alijs.

Gradum zodiaci cum quo stelle oriuntur et occidunt et mediant celum scire.



Si vis scire cū quo gradu zodiaci oritur aliqua stella fixarū: vel cū quo gradu venit ad lineā meridianā. Pone cacumē illius stelle sup primū almicantharath orientale ⁊ gradus qui tunc ceciderit sup idem almicantharath oriatur cum tali stella. Similiter fac ponendo cacumē stelle ad lineam meridianam vel occidentalē et inuenies gradum zodiaci meridianam vel occidentalem stelle correspondentem.

Latitudinē stellarū fixarum scire.



Um volueris scire latitudinē stelle fixe id est distantiā eius a lineā eclipticā. Tūc per pcedentē canonē scias quis gradus zodiaci sit cū tali stella in lineā meridianā vtriusq; id est taz stelle q̄ gradus zodiaci scias altitudinē a primo almicantharath et subtrahere minorē a maiori et remanens erit latitudo quesita. Et erit latitudo septentrionalis si stella sit posita inter lineā eclipticā et cētū astrolabij: vel meridionalis si ipsa stella sit inter lineam eclipticam et circulum capricorni descripta.

Vel aliter poteris operari posita stella super lineam meridianam: vide quot gradus de gradibus almicantharath sint inter stellam et gradum zodiaci tunc existente in lineā meridianā quia ipsi erunt latitudo stelle quesita. Et nota q̄ in pposito super ficies conuexa zodiaci dicitur esse ecliptica.



Gradum signi in quo sit aliqua stellarū scire.

Um vis scire in quo gradu signi sit quelibet stellarū fixarum. Pone filiū vel lineā super potum vel centz zodiaci ex vna parte ⁊ extēde lineā vel filiū p cacumē stelle ⁊ p gradus zodiaci: ⁊ quicūq; ḡdus fuerit a filo vel lineā tactus

Alc erit gradus stelle quesitus.

Declaratio canonum sequentium.



PRO intellectu sequentium est intelligendum qd horz/ con seu primum almicantharath dividitur in quat/ tuor quartas quaz prima incipit a puncto vbi eqino/ ctialis interfecat horizontem seu primum almicantha/ rath orientale & finit in linea meridiana sub armilla & vocatur quarta meridionalis. Secunda incipit a linea meridiana & ter/ minatur in puncto vbi equinoctialis interfecat primum almican/ tharath occidentale & vocatur quarta meridionalis occidentalis.

Tertia incipit ab eodem pūcto vbi finitur secunda & termina/ tur vbi linea medie noctis interfecat primum almicantharath & vocatur quarta septentrionalis occidentalis. Quarta incipit a fine tertie quarte et terminatur in initio prime quarte: et dicitur quarta septentrionalis occidentalis. Et quilibet quartaz a prin/ cipio vsq; ad finem eius continet 90. gradus quos importat aci/ mut et ideo: si habueris 90. acimuth quolibet quarta quodlibet acimuth valet vnum gradum. Si 45. tunc valet duos: si triginta quolibet tunc valet tres si quindecim tunc quilibet valet sex gra/ dus: et sic consequenter cōputando, qd quilibet quarta contineat nonaginta gradus.

Centri solis vel alicuius stelle fixe a principio ali/ cuius quatuor quartarum distantiam scire.



Sivolueris scire zenith solis id est concursum distan/ tie a principio quarte. Cum altitudine solis accipe al/ titudinem solis hora in qua hoc scire desideras & po/ ne gradum solis super almicantharath altitudinis in/ parte qua fuerit sol. Quo facto vide super quorum acimuth ca/ dit gradus solis ab initio alicuius quarte & quot gradus repre/ sentat id acimuth per tot gradus ab initio illius quarte: vbi fini/ tur acimuth est zenith solis. Et necesse est qd hec quarta sit quarta meridionalis orientalis vel meridiana occidentalis vel septentri/ onalis orientalis vel septentrionalis occidentalis. Eodem mo/ do fac de stellis fixis. Et si ceciderit gradus solis inter duo aci/ muth & ignoras sup quot gradus de gradibus acimuth cecide/ rit tunc fac eodem modo vt fecisti de almicantharath.

Sol vel stella fixa in quo loco horizonis
quotidie oriatur vel occidat scire.



Sivolueris scire zenith ortus solis vel zenith ortus
aliquius stelle fixe. Done gradum solis vel cacumen
stelle fixe super primum almicantharath orientale ⁊
vide quot gradus representat acimuth super quot ca
ditꝯus solis vel stelle ibi erit zenith ortus. Et sup simile acimut
erit occasus i simili q̄rta siue sit septentrionalis siue sit meridionalis
Quattuor plagas mundi vbi sint scire.



A habendum veraciter quattuor mundi plagas scilicet
orientem occidentem meridiem ⁊ septentrionem.
Recipe altitudinem solis hora qua hoc scire deside
ras: ⁊ pone gradum eius super eius altitudinē inter
almicantharath et vide in qua quarta de predictis quartis est
gradus solis: deinde vide per quot gradus de gradibus acimuth
distat gradus solis a principio quarte septentrionalis orientalis
id est a coluro siue a linea medie noctis et quantum fuerit nume
rus graduum acimuth tantum sume in dorso astrolabij ab eadē
linea medie noctis computando versus armillam: per orientem
si est ante meridiem vel per occidentem si est post meridiem: et vbi
ille numerus finitur ibi regulam pone. Quo facto astrolabium
vtraq; manu tenens verte dorsum eius sursum et appone tabel
las regule sic quiescentis versus solem et eleuando in vna extre
mitate astrolabium et in alia deprimēdo donec radius solis trās
eat vtriusq; tabelle foramina Quo facto pone caute astrola
bium super terram vt non moueatur in circuitu ad aliquam par
tem: tunc quattuor linee concurrentes in centro astrolabij in
dicant tibi quattuor mundi plagas: videlicet linea orientis orien
tem meridiana meridiem et sic de alijs. Eodem modo poteris
facere de nocte per stellas fixas ponendo eas super altitudines et
numerando gradus acimuth a linea medie noctis vt supra dictū
est. Si autem non poteris tuuz astrolabium ponere super ter
ram sine motu laterali tunc fac hoc modo: post q̄ regula fuerit
posita super similem numerum graduum acimuth tene astrola
bium equidistanter ab horizonte vel loco in quo stas ⁊ verte sic
astrolabium vt vmbra ambozum laterum tabellarum cadat sur

per duo latera regule scilicet vmbra dextra lateris tabelle super dextrum latus regule ⁊ sinistra super sinistram vel equidistanter: ⁊ ita in predictis quattuor lineis in centro concurrentes indicant tibi quattuor mundi plagas.

Latitudines regionum vel ciuitatum inuenire.

Si latitudinem alicuius regionis vel ciuitatis id est distantiam zenith regionis vel ciuitatis ab equinoctiali circulo versus septentrionem vel meridiem scire uolueris. Tunc diligenter altitudinem solis in vera meridie conserua ⁊ considera: quam subtrahes a 90. si sol fuerit in initio arietis vel libe quod remanserit erit latitudo. Si uero sol fuerit in alio gradu quam in primo gradu arietis vel libe tunc eiusdem gradus declinationem considera quam minues de altitudine solis meridiana si declinatio fuerit septentrionalis vel adde si fuerit meridionalis ⁊ quod remanserit erit maxima eleuatio capitis arietis in tali ciuitate: quam si subtraxeris a 90. remanebit tibi latitudo ciuitatis. Hoc idem poteris habere per aliquam stellam que oritur et occidit sciendo eius altitudinem meridianam ⁊ eiusdem declinationem septentrionalē vel meridionalē ⁊ operare ut supra de sole. Per stellam autē que nec oritur nec occidit sic operare. Recipe eius altitudinē maximā ⁊ minimā ⁊ adde simul ⁊ totius aggregati medietas est latitudo ciuitatis. Hic canon est multū utilis ad faciendum in astrolabio plures tabulas: quia scita latitudine ciuitatis scitur altitudo poli quod semper latitudo ciuitatis est equalis altitudini poli.

Tabularum astrolabij aliqua ad quam regionem sit facta scire

Si dubitaueris ad quam regionem aliqua tabularum in astrolabio posita sit facta uide in linea meridiana quot sunt gradus in almicantharath a circulo equinoctiali usque ad zenith vel a centro astrolabij usque ad primum almicantharath versus septentrionem computando et habebis super quam altitudinem talis tabula facta sit. Altitudo uero capitis arietis est tot graduum quot fuerunt ab equinoctiali circulo a linea meridiana versus almicantharath orientale vel occidentale.

Longitudines regionum vel ciuitatum inuenire.



Cum longitudinem regionum id est arcum equinoctialis circuli interceptum inter diuersarum regionum meridianos scire desideras. Tunc initium lunaris eclipsis in regionibus in quibus exigere cupis considera per tabulas factas sup easdem regiones si ipsas habueris. Si autem vnus tantum regionis habueris tabulas tunc per illas initium vnus eclipsis lunaris in horis et minutis recipias: et in alia regione existens obserua per astrolabium eclipsis initium lunaris eiusdem. Et si initium eclipsis lunaris regionis vtriusque concordauerit tunc ille due regiones eundem habent meridianum et nulla est inter ipsas longitudo. Si autem initia eclipsium discrepauerint tunc recipe differentiam inter horas vtriusque regionis quam multiplicata per 15. et pro quibuslibet quattuor minutis horarum adde vnum gradum si fuerint minuta ultra horas et productum erit longitudo illarum regionum. Si autem nullas tabulas regionis habueris tunc te in vna regione et socio tuo in alia regione existentibus principium eiusdem eclipsis lunaris per astrolabia deberet obseruari. Quibus factis operare vt prius.

Distantiam inter duas regiones per miliaria scire.



Spacium interiacens ipsa geometrica mensura optas scire. Tunc longitudinem ipsarum in celo per preceps capitulum inuentam memorie comenda et subtrahere minorem a maiori et residuum est differentia longitudinis.

Similiter latitudines quas per doctrinas priores reperias et per subtractionem minoris a maiori scias earum differentiam que dicitur differentia latitudinis. Tunc vtrasque differentias tantam longitudinis quam latitudinis in se multiplicata quadrata et adde predicta simul et totius aggregati quere radicem quadratam quam multiplica per 700. stadia et habebis numerum stadiorum inter illas ciuitates. Vel multiplica per 100. si vis habere miliaria italica vel per 16. si vis habere miliaria alemanica et productum erit distantia in miliaribus. Si autem due ciuitates haberent eandem longitudinem tunc operare per latitudinem tantum. Si autem habent eandem latitudinem tunc fac per longitudinem tantum.

Eandem autem latitudinem ⁊ longitudinem due ciuitatis habere non possunt.

Declaratio canonum sequentium.



Pro intellectu sequentium est sciendū q̄ ascensio vel ortus alicuius signi vel ortus zodiaci quantum sufficit ad propositum non est aliud nisi pars equinoctialis que cum tali signo siue gradu super horizonem ascēdat ⁊ talis ortus est duplex scilicet rectus ⁊ obliquus. Rectus dicitur cum quo maior pars equinoctialis oritur q̄ est arcus zodiaci correspondēs. Sed obliquus est cum quo minor pars equinoctialis oritur. Similiter intelligas de t̄scensu ⁊ occasu signorum. Illud ergo signum zodiaci recte oritur cum quo plures q̄ 30. gradus equinoctialis peroriuntur ⁊ illud oblique cum quo pauciores q̄ 30. gradus eleuantur.

Ascendens signorum in circulo recto ⁊ etiam obliquo cuiuslibet regionis scire.



Is pre habitis si ascensiones signorum in circulo recto id est horizonte qui transit per polos mundi que habent homines habitantes sub equinoctiali si quis ibi moratur scire volueris. Tunc initium signi de quo hoc scire desideras: pone super lineam orientalem transcuntem per centrum astralabij: vel per lineam meridianam ⁊ est idem: ⁊ signa locum almuri in margine: postea moue retbe donec finis predicti signi cadat super lineam eadem orientis vel meridiei et vide quot gradus sint in margine a prima nota vsq; ad almuri tot gradus ascendunt cum tali signo in horizonte recto qui dicuntur ipsius ascensiones. Consimiliter facies de qualibet portione zodiaci. Si autem ascensiones signorum ⁊ arcuum zodiaci in qualibet regione ad quas habes factas tabulas scire desideras. pone initium signi super primum almicantharath illius tabule que facta est ad regionem cuius ascensiones cupis scire: ⁊ nota ut prius almuri: deinde moue retbe donec finis signi cadat super idem almicantharath quod dicitur horizon obliquus ⁊ gradus quibus mouetur almuri erunt ascensiones eiusdem signi in eadem regione. Duos gradus diuidas per quindecim ⁊ residuum multiplica per quattuor ⁊ habebis per quot horas ⁊ minuta oritur

tale signum in tali regione. Similiter fac de quolibet alio arco
zodiaci z scias ascensiones eius z moram ascensionis eius. Et
si vis scire utrū oritur recte vel oblique: vide utrū plures gradus
pertransit almuri in margine q̄z habet signum vel arcus zodiaci
tunc oritur recte. Eodem modo poteris scire de occasu ponendo
signū sup almicantharath occidentale z fac vt p̄us fecisti circa ortū

Ascensiones signorū ab ariete cōputaando scire.



A habendum ascensiones signorum vel graduū ab
ariete computando. Pone initium arietis super orizon-
tem ex parte orientis z nota locū almuri in gradibus
marginis postea moue recte donec ḡdus signi vel fi-
nis signi cuius queris ascensiones cadat sup horizonem ex par-
te orientis z gradus quibus motū est almuri sunt ascensioēs que
sunt a principio arietis cōputate. Et si tales gradus fuerint plures
q̄z gradus zodiaci cū eis perorti tunc talis ascensio fuit recta. Si
vero pauciores fuit obliqua.

Horiziam stellarum fixarum non posita-
rum in astrolabio scire.



Cognita vna stella fixa in astrolabio posita z per eam
si volueris quālibet aliam tibi incognitam cognoscere
Recipe in nocte serena altitudinem stelle tibi note si
eam videris Deinde pone cacumen illius stelle super
altitudinem inter almicantharath ab oriente vel occidente com-
putando sin q̄ eam videris in celo situatam Quo facto recipe
stellam tibi cognitam super quanta altitudine posita sit inter al-
micantharath z in qua parte de quatuor partibus mundi ceci-
derit: super equalem altitudinē in dorso astrolabij pone regulam
z verre versus eandem mundi plagam super quā cadebat stella z
maiozem stellam quā tunc videbis per foramina tabellarum ip̄a
est quam queris. Et sicut fecisti de vna sic fac de qualibet alia
in astrolabio posita siue sit tibi nota siue non.

Horiziam stellarum fixarum posita-
rum in astrolabio scire.



Si nulla stellarum fixarum est tibi nota tunc per ho-
rologium bene correctum observa horas noctis z po-
ne gradum solis super almicantharath occidentale

et moue almuria loco suo fm motum firmamenti per totiens
quindecim gradus de gradibus limbi quot hore noctis sint
preterite. Quo facto vide que stella ceciderit super almican
tharath orientale illa tunc temporis oritur 7 similiter que cecide
rit super almicantharath occidentale illa tunc occidit 7 que sup
genith vel alijs locis ceciderit; vide eius altitudinem inter almica
tharath 7 fac vt prius. Et sic poteris omnes stellas cognoscere:
etiam si nulla eorum fuerit prius tibi nota.

In quo gradu signi sit planeta vel aliqua
stella fixa non posita in astrolabio scire.



Si quis cupit scire gradum stelle fixe in astrolabio nō
posite vel planete. Tunc expecta donec talis stella
vel planeta venerit ad medium celi: 7 hoc scias per
maximam eius altitudinem quam tunc reperies in
dorso astrolabij. Qua habita recipe altitudinem alicuius stel
le tibi note in astrolabio posite que tunc est super horizonem 7
pone ipsam super eandem altitudinē in parte in qua fuerit 7 gra
dus qui ceciderit in linea meridiana est gradus quesitus. Et quā
ta est distantia illius gradus a principio signi tanta est longitu
do illius stelle. Et si contigerit q̄ altitudo ipsius stelle meridi
ane fuerit equalis altitudini meridiane ipsius gradus tunc talis
stella est in via solis seu in linea ecliptica nullam habens altitu
dinem. Sed quanta est declinatio illius gradus ab equinoctia
li circulo tanta est declinatio illius stelle fixe vel planete ab eo
dem circulo 7 hoc septentrionalis vel meridionalis. Si au
tem altitudo meridiana stelle fuerit maior vel minor q̄ altitudo
gradus medij celi tunc talis stella distat a via solis: 7 hoc versus
septentrionē si altitudo stelle fuerit maior q̄ gradus vel versus me
ridiē si altitudo stelle fuerit minor q̄ altitudo gradus. Et cum
subtraxeris minorem altitudinem a maiori remanebit tibi distā
tia que dicitur latitudo stelle a linea ecliptica.

Declinationes stellarum fixarū reperire.



Si alicuius stelle fixe declinationem ab equinoctiali
circulo scire desideras tunc ipsius altitudinē meridia
nā capias: 7 si fuerit minor subtrahes ab altitudine ea
pitis arictis 7 residuū est declinatio meridionalis. Si autē fuerit

maior tunc e conuerso subtrahere altitudinem capitis arctis & res-
duum est declinatio septentrionalis.

In quo gradu & signo sit luna
& alij planete scire.



Um gradum signi in quo fuerit luna scire desideras
altitudinem lune per regulam considera: & eandem al-
titudinem in almicantharath nota ex parte orientali
vel occidentali sicut quod a te luna fuerit visa. Quo fa-
cto recipe altitudinem stelle posite in retuli & eam in almicanthar-
ath sup sua altitudinem in parte i qua fuerit pone: & gradus sodia-
ci qui ceciderit super almicantharath per altitudinem lune prius
notata est gradus lune que cuius sit signi est per descriptionem man-
ifesti. Si autem apperet luna in die idem facies cum altitudine ipsius
& altitudie solis. Et per idem documentum poteris inuestigare vera lo-
ca aliorum planetarum dum ipsos de nocte poteris videre. Sed
as tamen quod hec doctrina plus habet veritatem quando planete
precise sunt in via solis.

Ad sciendum facilius modo in quo gradu &
signo sit luna que sit supradictum.



Facilius vis scire in quo signo sit luna. Tunc etate
eius id est quot dierum sit mensis lunaris dupla & su-
pra duplam adde quinque & totum collectum diuide
per quinque: & si nihil remanserit tunc numerus quoti-
entis ostendet tibi numerum signorum que luna transiuit et si ali-
quid fuerit residuum multiplica per sex et prouentur gradus
quos luna transiuit de signo in quo est: quod signum per quoti-
entem designatur & debet fieri computatio signorum a signo in quo
est facta solis & lune coniunctio immediate precedens. Vel
aliter poteris hoc scire multiplicando etatem lune per tredecim
& totum productum diuide per 30. & habebis gradum.

Uera loca planetarum inuenire.



Autem vis verius loca planetarum inuestigare tunc
lume altitudinem planete quando est prope lineam
medij celi, & eam serua. Deinde ad eandem horam que
re gradum ascendente per aliquam stellarum fixa-
rum & nota eam & expecta donec planeta incipit descendere a lu-

nea medij celi. Quod scies hoc modo qñ altitudo eius minuitur
7 capias secundo eius altitudinem que tamen sit equalis altitudi
ni ipsius prius seruate vel sumpte inter lineam meridianam: 7 ite
rum eadem hora accipe ascendentem per aliquam stellarum fixarum
7 tunc pone primum ascendens super almicantharab orientale
7 nota almuri in limbo. Deinde volue recte donec secundus
ascendens perueniat ad almicantharab orientale 7 iterum nota
almuri 7 tunc super medietatem illorum graduum per quos mo
tum est almuri ponas ipsum almuri 7 gradus qui tunc ceciderit
super lineam medij celi est gradus planete quesitus.

Utrum planeta sit septentrionalis vel australis scire.

Sivolueris latitudinem planete id est distantiam eius
a linea ecliptica scire vel utrum planeta sit australis
vel septentrionalis ab ecliptica. Primo debes scire in
quo gradu zodiaci sit ille planeta quem gradum po
ne in recti in linea meridiana: 7 postea recipe altitudinem illius
planete meridianam id est quando fuerit in linea meridiana 7 vi
de si est tanta quanta est altitudo gradus zodiaci tunc in medio
celi existens in quo inuenisti planetam vel maior vel minor. Si
est tanta tunc talis planeta est directus in ecliptica vel in via solis
7 nullam habet latitudinem. Si maior tunc latitudo planete ab
ecliptica est septentrionalis. Si vero minor australis. Et est tanta
distantia quanta maior vel minor fuerit ipsius latitudo.

Utrum planeta sit directus vel retrogradus scire.

Sis vis scire utrum planeta sit directus vel retrogra
uus eius altitudinem accipe 7 serua: 7 eodem tempo
re recipe altitudinem alicuius stelle fixe in astrola
bio posite: et hanc altitudinem 7 partem in quo fue
rit memorie comenda. Deinde post tertiam vel quartam vel
quintam noctem accipe iterum prioris stelle altitudinem eadem
parte celi in qua ante eam inuenieris 7 cum peruenieris ad equa
lem altitudinem prioris altitudini memorie comenda: tunc
sume altitudinem planete que si fuerit minor sua altitudine pri
us accepta dico qd planeta est directus si fuerit in parte orientale
7 si fuerit in parte occidentali est retrogradus. Si autem fue
rit maior prima tunc est retrogradus si fuerit in parte orientali

est si fuerit in parte occidentali tunc erit directus In luna asit eod
uerso inuenies. Et tunc planeta dicitur esse directus quando
motus eius augetur fin numerū graduum zodiaci. Sed dicitur
retrogradus quando gradus eius minoratur.

Figuram 12. domorum formare.



Cum quelibet hora 12. domus celi quibus in suis in-
dicijs astrologi vtuntur adquare id est verū locum
ponere volueris. Tunc ad eandem horam qua hoc
scire desideras: scias primo gradū ascendente 7 pone
eum supra primū almicantbarath orientale 7 ipse gradus ascen-
dens est initium prime domus: 7 nadir eius id est gradus opposi-
tus cadens super almicantbarath occidentale: est initium septime
domus: gradus autē exites in linea medie noctis est initium quar-
te domus: et nadir eius id est gradus oppositus qui est in linea
meridiana est initium decime domus. Postea pone gradū ascen-
dentem super finē octaue hore inqualis 7 gradus qui tunc ceci-
derit super lineā medie noctis est initium secunde domus 7 na-
dir eius qui est in linea meridiana est initium octaue domus. De-
inde pone gradum ascendente super finem decime hore 7 gra-
dus tunc cadens super lineam medie noctis est initium tertie
domus 7 eius nadir in linea meridiana existens est initium none
domus. Quo facto pone nadir gradus ascendente qd est initium
septime domus super finē secunde hore: 7 gradus exites in linea
medie noctis est initium quinte domus: 7 nadir eius in linea meri-
diana existens est initium vndecime domus. Deinde pone idem
nadir gradus ascendente super finē quarte hore 7 gradus tangēs
lineā medie noctis est initium sexte domus et eius nadir in linea
meridiana existens est initium duodecime domus. Et sic habes
omnes domus equatas quarū prima quarta septima 7 decima
dicuntur anguli: 7 sunt domus fortitudinis: quinta octaua 7 vn-
decim. i. aut succedentes. Sed tertia sexta nona 7 duodecima di-
cuntur ab angulis cadentes 7 debiles.



Figurā 12. domorum aliter q̄ dictū sit formare.

Vis aliter principia duodecim domorum inuenire
tunc pone regulā super rebe 7 super gradū ascenden-
tem posito prius gradu ascendente super primū almi

cantharath orientale ⁊ gradus limbi inter lineā fiducie ipsius regule ⁊ lineam medij celi diuisi inter tres partes equales sunt ascēdentes triū domoz ab ascendēte versus meridiē computando.

Unde si posueris lineam fiducie super finē prime tertie diuisiōnis ab ascendēte cōputando: habebis per eandē lineam fiducie in zodiaco initiū duodecime domus. Si posueris eam sup finem secūde tertie habebis in zodiaco initiū vndecime domus. Si posueris eam ī fine tertie tertie habebis initiū decime domus. Eodē modo diuide noctē in tres partes equales ⁊ pone regulā ad finē illarū trium partū ⁊ habebis initia prime secūde ⁊ tertie domus ⁊ sic habebis sex domus adequatas. Et nadir ipsarum sunt initia aliarum sex domozum. Et scias q̄ ille canon habet veritatem quando circulus capricorni ponitur prope limbum quia posset tantum distare a limbo q̄ bec doctrina non esset omninino vera.

Declaratio canonum sequentium.



Haec scientia de planetarum aspectibus tam in astrologiis q̄ in phisicis iudicijs ponenda valde necessaria existit cum crises morborum ceteriq̄ nature effectus ad bonum vel malum varietate aspectuum superiorum corporum varientur ideo vt melius hoc pateat non indignum duxi aliqua prius declarare. Sciendum primo q̄ aspectus in proposito dicitur esse quedam certa distantia planetarum in qua se se in suis fluxibus notabiliter iuuant vel impediunt ⁊ hoc idem dicitur radiatio aliter tamen sumpta. Sunt autem tales aspectus seu distantie quattuor in numero scilicet sextilis quartus tertius et oppositus. Et quidam addunt quintum scilicet coniunctionis qui tamen proprie non dicitur aspectus: quia in coniunctione planete non distant sed potius in eodem gradu zodiaci conueniunt. Et dicitur aspectus sextilis ⁊ distantia corporum celestium per sexaginta gradus zodiaci vel equinoctialis eo q̄ sextam partem circuli continet. Quartus vero dicitur quando distantia est nonaginta graduum qui sunt quarta pars circuli. Tertius autem quando talis distantia est 120. graduum qui faciunt tertiam partem circuli. Oppositus vero quā

do talis distantia est 180. graduum qui sint precise medietas circuli. **N**on autem aspectus tripliciter sumuntur primo secundum gradus zodiaci. Secundo secundum gradus equinoctialis et ascensiones signorum et hi duo modi sunt faciles ad inueniendum. Tertius autem modus apparet non exercitatus laboriosus et difficilis quia sumuntur secundum directiones graduum que proprie dicitur projectio radiorum. Et talis radiatio est duplex dextra scilicet et sinistra. Dextra est quando sumitur contra successione signorum. Sinistra vero quando sumitur secundum successione signorum.

Aspectus planetarum ad inuicem in zodiaco scire.

Item prescitis si aspectum planetarum in zodiaco scire desideras. Tunc inuenies veris locis planetarum unde de distantias eorum et quos inueneris per 60. gradus zodiaci distare istos dicas fore in aspectu sextili quos per 90. in aspectu quarto: quos autem per 120. in aspectu trino. Quos vero per 180. in aspectu opposito. Si autem non precise inueneris numerum predictorum graduum. Sed minus quatuor vel quinque gradibus tunc dicas esse applicationem ad aspectum et sic habebis faciliter aspectus planetarum in zodiaco. Si autem hoc idem in equinoctiali per ascensiones signorum scire desideras tunc pone regulam super gradum in quo est planeta et nota locum regule in limbo: deinde pone regulam super gradum alterius planete ad quem vis scire aspectum et iterum nota tactum regule in limbo: et si inter has duas notas inueneris aliquem numerum graduum de gradibus aspectus tunc scias quod tales planete se tali aspiciunt aspectu qualem tales gradus distantie expriment. Et nota quod aspectus sextilis et trinus dicuntur boni et amicitie Quartus vero et oppositus dicitur mali et inimicitie.

Radiationem planetarum scire.

Radiationem planetarum scire desideras que recipitur per directionem graduum ut supradictum est: tunc primo scias gradum medij celi coram quo radiationem planetarum vis scire et eum serua: que seruato pone gradum in quo est planeta cuius quibus radiationem super lineam medij celi et nota locum almuri in limbo. Et si vis scire sinistras radiationes moue almuri motu de iuxta a loco signato per 60. gradus per radiationem sextili seu trigona

⁊ per 90. pro tetrágoná ⁊ per 120. pro trigóná ⁊ in quolibet illo
 rum terminozum notetur gradus in medio celi nam ipse est prí-
 mi radiationis locus. Deinde pone gradum planete super prímu
 almicantbaras oriéntale et iterum signa locum almuri et tunc pro-
 cede cum eo a loco motu dextero per 60. gradus pro exagona et
 per 60. pro tetrágoná et per 120. pro trigóná radiatione et in om-
 nibus predictis gradibus notetur gradus ascendens nam ipse est
 locus secunde radiationis. Deinde recipe differétiám istarum
 duarum radiationum subtrahendo minorem a maiori et hoc cõ-
 putando gradus radiationis ab ariete et non a principio signi et
 hanc differétiám serua. Quo facto gradum mediũ celi prius ser-
 uarum hora inceptiois operis super meridianum pone ⁊ signa
 almuri. Deinde procedat almuri motu dextero si planeta cuius
 radiatione queris est inter ascendens est medium celi: vel motu
 sinistro si est inter septimam domum ⁊ medium celi: donec gra-
 dus planete resideat in medio celi ⁊ iterum nota almuri. Si
 autem planeta est inter ascendens ⁊ angulum terre tunc retroce-
 de cum almuri in tantum quousq; gradus planete tangat lineã
 medie noctis. Sed si est inter quartã ⁊ secundam domum tunc
 hoc idem fac motu dextero. Deinde numerus graduum inter du-
 as notas ducatur in differétiám radiationum prius seruataui
 ⁊ totũ productũ per medietatẽ arcus diurni ipsius planete dividi-
 tur si sup terrã fuerit ipsius radiatio. Si vero fuerit sub terra illõ
 idẽ p mediũ arcus noctis partire ⁊ qđ exierit ex diuisione erit eq̃-
 tio radiationis. Quã subtrahẽ a radiatione maiori si fuerit plane-
 ra inter decimã ⁊ septimã domũ vel inter quartã ⁊ primã: ⁊ eadẽ
 adde radiationi minori si planeta fuerit inter decimã ⁊ primã vel
 inter quartam ⁊ septimã ⁊ qđ post additionẽ vel subtractionẽ
 remanserit erit radiatio quesita. Pro dextra radiatione inuenien-
 da est totaliter idem modus operandi nisi qđ motus almuri debet
 ferri motu sinistro vt superius fecim; motu dextero. Alia omnia
 facies vt docet canon.



Gradũ ascendente i principio anni mudi iuenire.
 Cum in quolibet anno volueris scire gradum reuolu-
 tionis annorum mundi id est ascendens tempore in-
 troitus solis in arietẽ tunc gradum ascendente anni


transacti pone super primum almicantharath orientale ⁊ locum
almuri in margine signa. Deinde ab eodem loco moue almu-
ri numerando octuarintaseptem gradus et gradus qui cecide-
rit super primum almicantharat orientale est ascendens. Si autē
habueris ascendentem verificatum ante plures annos tunc pro
quolibet anno moue almuri per 87. gradus et habebis qđ queris
Et habito semel ascendens bene verificato poteris per totam vi-
tam tuam inuenire ascendens cuiuslibet anni Et inuento ascen-
dente poteris adequare omnes duodecim domos et facere figu-
ram reuolutionis anni p̄ quā iudicatur status anni. Et cū per
illud ascendens velles scire tempus introitus solis in arietē tunc
pone principium arietis super almicantharath occidentale et nota
locum almuri: et deinde moue ipsum almuri motu dextro donec
gradus ascendens illius anni veniat ad almicantharath orienta-
le: ⁊ gradus pertransitos ab almuri diuide per 15. et habebis in
quotiente horas et residuum multiplica per quattuor et habebis
minuta hore: quas horas et minuta computa ab occasu solis sin-
cursum horologiorū in italia currentium vel in praga et habebis
horas et minuta introitus solis in primum minutū arietis. Si
autē hoc idem per tempus a meridie cōputatum velles scire tunc
principium arietis pone super lineam meridianam et operare per
omnia vt prius fecisti Per hunc etiā modū scire poteris annū
reuolutionis cuiusq; natiuitatis Et el cuiuscunq; alterius rei
habentis principium.

Partis secunde huius de mensuratio
nibus rerū tractatulus incipit.




Mensurationum genera declarare. Genera quippe mensurationum triplicia in usu ut plurimum versantur scilicet. Altimetra Planimetra et Steriometra. Altimetra est de mensuratione quantitatis secundum unam divisionem scilicet secundum longitudinem tantum. Planimetra est de mensuratione quantitatum secundum longitudinem et latitudinem. Steriometra est de mensuratione quantitatum secundum longum latum et profundum. Quantitatem autem aliquam mensurare est inuenire quotiens in ea aliqua famosa quantitas reperitur vel quora pars vel quotte partes sint alicuius famose quantitatis. Famosa quantitas est que apud omnes aut multos usitata sunt. Sed notandum quod famose quantitates ille que apud multos sunt usitare differunt scilicet digitus palma cubitus passus pes vna pertica que est longitudo 14. pedum stadium miliare leuca et his consimiles. De alijs autem quantitatibus superficie et aut solidorum inferius fiet suo loco mentio. Et quamquam altimetre tres sunt partes. Vna de mensuratione altitudinum. Alia de mensuratione planiciorum. Et tertia de mensuratione profunditatum. Et quelibet istarum tripartitur in mensurationem longitudinis solum et longitudinis et latitudinis simul. Et tertio mensurationem corporum aliorum profundorum seu planorum. Nilominus omnium istarum partium eadem sunt principia Nam ut in phisicis habetur. Omnis visio intus suscipiendo species rei visibilis causatur et sub quodam acuto angulo comprehenditur quantitas rei visibilis in modum basis et quanto acutior est tanto ratio quantitatem indicat minorem. Iuxta illud principium Minori angulo minor correspondet basis et sic in visione altitudinis altitudo locum tenet vnus linee recte: spacium vnus alterius et linea visualis tenet locum tertie. Et quibus tribus lineis constituitur triangulus rectilincus orthogonius: et sic altitudo quelibet mensuranda seu spacium vel profunditas debet semper secundum lineas rectas imaginari. Ut patet in figura sequenti


figurata per a b c et semper altitudo cum spacio constituunt angulum rectum scilicet c. et aliquando sub angulo b comprehendimus statum a. c. et aliquando sub angulo a. comprehendimus c. b. et sic sine paruitate illorum duorum angulorum acutorum a. et b. comprehenditur res maior et minor et hoc per sensum cum iudicio rationis ut in illa sacratissima scientia perspectiua habetur.




Sed quia non est bene possibile ut sensus et ratio veram quantitatem anguli acuti variati cognoscat: ideo difficillimum esset naturaliter per solam illam scientiam certissimam rei quantitatem comprehendere. Et hinc est quod antiqui mediante instrumentis quibusdam artificialibus adinuerunt artem qua mediante rerum quantitates faciliter cum certitudine dignoscantur inter que quadrata



gnomo principale fuit p̄fēcile naturam rē insequens vt patet in figura. In quo quideꝫ gnomonico quadrāte sunt primeꝫ due linee scilicet a c ⁊ c d. que locum tenent status ⁊ spacij: ⁊ imaginatur linea a d. que locū tenet linee visualis: ⁊ sic aliquando cum angulo d. comprehendimus quantitatem status. a c. nobis ignoratꝫ: que potest esse altitudo vel profunditas: per quantitatem spacij d nobis notam: ⁊ aliquando per quantitatem status notam sub angulo a. comprehendimus spacium c d. nobis ignotum vt postea propositiones patebit. Sed cum ita sit q̄ angulus a possit a r̄geri aucta basi. c d. vt patet i c triangulo. signato per litteras a c.



⁊ in infinitam fuit necessariū vt vn esset linea scilicet b d que totum spacium a linea d versus f. vsqꝫ in infinitum comprehenderet. Nam imaginatur latera quadrati a b c d. diuisa ad. 12. ⁊ sic area eius erunt. 144. particule: ⁊ quelibet vocatur punctum: ⁊ sunt 12. inter c ⁊ d ⁊ ista finita simul sibi determinant certam quantitatem scilicet finitaz neqꝫ plus correspondet vni puncto q̄ alteri. Alijs vero infinita correspondet quantitas ⁊ vni plus altero prout figura manifestat.





c

Et totū illud qđ correspondet illis 12 pñctis cñ diuersitate illorū
 ūter se pro maiori apertudie instrumēt in linea b d cōprehēdūtur

in 12 pñctis. Quia de causa
 dicūtur pñcta versa : qz ibi
 versata sūt qui erāt in linea
 d f infinita : z alia pñcta in
 linea c d. dicūtur pñcta in
 bre recte siue extēse. Si igitur
 pñcta vmbre verse vis
 reducere ad puncta vmbre
 recte. diuisiōe 144 p puncta
 vmbre verse z i quotiēte ha
 bebis pñcta vmbre recte.

Et si 144 diuersis per pñ
 cta vmbre recte exhibēt pun
 ctavmbre verse. Umbra āt
 recta seu extēsa est omnis
 rei erecte super superficiem
 terre : z siue lōga siue breuis
 imaginatur diuidi i 12 par
 tes quarum quelibet dicitur
 punctum . Umbra ve
 ro versa seu erecta ē ois rei
 equidistantis superficiē ori
 gōnis infixe in aliq re : z si
 militer vt alia in 12 diuidit
 tur vt patet in figura.

Ista res difficilis ē z lōgā
 narrationē cū demonstratōi
 bus req̄reret ideo prāleo :
 z dico qđ i do: so astrolabij
 reperitur quadrās vbi est
 scala altimetra cui qdratis
 linea medie noctis vocatur
 star q̄ tener locū altitudis
 seu pfūditaris : scala vō sibi
 cōiuncta ē scala vmbre recte




7 duodeciz diuisiones i ea sūt pūcta vmbre recte: scala vero scda ex
 opposito stat^r sūta ē scala vmbre verse: 7 duodeciz diuisiones i illa
 sūt pūcta versa. Diameter quadrātis dicitur vmbra media. Linea
 fiducia dicitur vmbra vel visualis linea vt patet in figura.

Altitudies reꝝ meriti. Altitūf altitudies reꝝ duplicitia aut sine
 istrumēto: aut cū istrumēto. Sine istrumēto vero aut mediāte
 rei vmbra: aut mediāte linea visuali recta aut reflexa. Instrumēta
 vero q̄ nos inuāt mēsuras capere multiplicia sūt iter q̄ vnum
 gnomō seu altimetra scala nūcupatur 7 illud est quadrās i dorso
 astrolabij per qd̄ altitudies reꝝ idagare possimus mediāte linea
 visuali seu radio luminosi corporis vt paulo ante dicebatur.

Propositio prima.


Altitudinē cuiuslibet rei pꝑēdiculariter erecte super planū cui^r su
 micas 7 termin^r inferior videtur mēsurare per radiū lūinosi sine in
 strumēto eas altitudies meriri: lucēte sole vel luna situata voluella
 versus solē de die vel lunā de nocte 7 suspēso vt oportet astrolabio.

Si altitudo eius 45 gra
 duū fuerit linea fiducia su
 p: vmbra media ca dit tūc
 vmbra rei equalis ē sibi: ex
 pecta igitur tūc donec sol
 vel luna sit i tali altitudine 7
 p tūc vmbra altitudis me
 tiaris 7 tanta erit altitudo
 reꝝ vt patet in figura.



Propositio secūda.

Solis vel lune si altitudo
 minor 45 graduum faer
 rit: tūc altitudo rei maior
 erit vmbra sua i tāta pꝑor
 tiōe: quāntā hēt 12 ad pun
 cta tacta a linea si lue i sca
 la recta vmbre. Multiplie
 tur igitur quāntas vmbre
 totius per 12: 7 qd̄. pūctū di
 uide per pūcta tacta: 7 erit
 altitudo q̄ ita vt pat: figura.



Propositio tertia.

Solis vel lunę si altitudo fuerit maior 45. graduū pro tunc vmbra altitudine maior erit s̄m proportionem 12. ad puncta tacta a linea fiducie in vmbra versa. Multiplicentur igitur puncta illa tacta per quantitatem vmbre ⁊ quod prouenerit diuidatur per 12. ⁊ erit quantitas altitudinis quesite: vel puncta vmbre verse reducantur ad puncta vmbre recte: ⁊ operare vt prius: Luna facit vmbra de nocte multotiens vt sol de die: igitur ⁊c vt p̄ in figura

¶ Porro propositiones istas ampliare p̄ dicta superius Nam radius solis vel lune tenet locū linee visualis ⁊ vmbra locū spacij. igitur hoc patet in tribus exemplis figurarum.




Propositio quarta.

¶ Per solē vel lunā vmbra mediāte simili sine instrumēto possimus p̄feras alicuius lines variari Nam sit altitudo. a. b. facies vmbra de die p̄ solē vel de nocte p̄ lunā: nunc ponatur virga q̄ sit e. o. p̄pe conū vmbre certe quātitatis si vis ⁊ taliter q̄ vmbra trāseat p̄ summitatē virge: vel si virga esset magna fac norā ibi vbi vmbra secat ⁊ sit nota. c. conus vero vmbre sit. f. tūc o co sicut se hēt vmbra c. f. ad altitudinē c. d. ita se habet vmbra b. f. ad altitudinē .a. b. cū igitur erūt eq̄les vmbra .i. c. ad virgā. c. d. ⁊ sic tota vmbra rei eq̄lis ē ipsi. Expecta igitur q̄ vmbra virge ibi sit. e. vel posite ad partē sit eq̄lis virge ⁊ p̄ vmbra s̄. i. as quantitātē altitudinis. Si vero vmbra fuerit vmbra virge ibi vel alibi ineq̄lis virge tunc practica sic. Quātitatē virge. f. c. e. p̄ vmbra altitudinis s̄. b. f.





multiplica 7 qđ puenit per
 quantitatem vmbre virge
 paruaris q̄ est g. f. 7 resultat
 quātitas altitudinis qđ fu
 it deducendū vt patet in tri
 bus figuris. s. Quarū vna
 est qñ vmbra est cęlis alti
 tudini aliaqñ ē minor 7 ter
 tia qñ est maior. Et posita
 in ista ppositione correspō
 dent dictis iam supra de radio luminoso vt facilioz perpēdere po
 tes. Et nota qđ stando in camera tua potes praticare ista scz po
 ne virgā ad solē 7 considera q̄lis est ppozio inter vmbā 7 virgā
 talis erit ppozio inter alias vmbas 7 suas altitudines. Adulta
 ex silib' deduci pulcherrima possent q̄ soli tti ingenio derelinquntur



Propositio quinta.

Linea visuali mediante sine instrumento hac via 7 altitudines il
 las indagare possumus. Et tēte igitur altitudine a. b. ponatur vir
 ga certe quātitatis inter altitudinē 7 pedē tuū que sit. c. e. 7 posito
 oculo ad terrā. s. in pūcto g. ante 7 retro mouēdo donec linea vi
 sualis respiciens summitatē virge summitati occurrat altitudinis
 tunc dico qđ rāra est altitudo quāta est distātia ab oculo ad pedē
 altitudinis vt piz in exēplo. Et hoc correspōdet prime 7 etiā q̄re

7 i d. debet esse recte. Quod si non sic essent fiat recte per lineam visuale: et hoc correspondet prime quarte et sexte, propositionibus ut patet in figura

Propositio decima.


Aliter firmata pede et suspenso astrolabio taliter ut linea visualis per ambo foramina pinularum transiens rei mensurande occurrat tunc si linea fiducie cadit super latus umbre recte denotat quod altitudo rei maior est spacio intercepto inter pedem altitudinis et pedem tui addita quantitate stature et in tanto maior in quanto, proportionaliter puncta totius statul



q sunt 12. excedunt puncta tacta a linea fiducie de latere umbre recte Augmentet igitur spaciū a pede altitudinis ad pedem tui sicut quod proportionaliter puncta tacta exceduntur a 12. et habebit quantitas altitudinis addita quantitate stature et puncta illa tacta dicunt partem altitudinis et totum spaciū. Et practicetur sic stare ista dispositio nuncietur pedes vel passus et qui intercipiuntur inter pedem altitudinis et pedem tui et multiplicentur per 12. et productum dividatur per puncta tacta et quod ex divisione exierit erit altitudo rei addita quantitate stature ut patet in exemplo prius Sit altitudo. a b. s. pedum 26. spaciū a pede altitudinis ad pedem tui b d. s. pedum 12 Statura vero c d. pedum duorum puncta tacta ab alidada. 6. Nam ducendo spaciū in 12. habebis 144. et dividendo per 6. habebis 24. pedes addita statura tui que erat pedum duorum Et hoc correspondet secunde partis posteriori quarte ut patet in figura.

Propositio undecima.


Si vero linea fiducie cadat super latus umbre versa tunc spaciū est maius cum statura et altitudine in ea proportio in qua 12. excedunt puncta tacta et. Auferant igitur spacio a pede altitudinis ad pedem tui sicut proportio in qua 12. excedunt puncta tacta et illa erit quantitas altitudinis addita quantitate stature et puncta vero tacta dicunt quantitate



ad pedem tui altitudinis et partem spaciū et practicetur sic. Quantitate distantie a pede altitudinis ad pedem tui per puncta tacta multiplicet et quod

puenit p 12. ptiaris 7 habet in q̄tate q̄titas altitudinis addēdo
 vt sup̄ q̄ntitate stature vl̄ p̄icta ymbre verse tacta ad p̄icta ymbre
 recte reduc 7 opare vt supra ac si cecidisset alidada sup̄ scalā rectā
 vt patet in exēpio. Si it̄ altitudo rei .a b. pedū scilicet 26. spacium i
 ter pedē altitudinis 7 pedem tui b d pedum scilicet 48 puncta 6 in
 ymbra versa: itatura scilicet 10 pedū duorum. Ducendo igitur 48
 in 6 excrelet numerus 288 qui si diuidatur per 12 in quotiēre sūc
 24 ad dēdo staturā: est altitudo rei scilicet 26 zc. reducēdo autem
 puncta ymbre verse que sunt 6 ad puncta ymbre recte vt paruit su
 pra erunt p̄icta ymbre recte correspondētia 24 per que summam
 resultātē: ex ductu 48 in 12 scilicet 576. diuide: 7 in quotiēre exi
 bunt 26 pedes qui sunt altitudo addita statura q̄ fuit pedū duoz̄.

Et sic in idem be due ope
 ratios reuertantur zc. Et
 hoc correspondet tertietz par
 te posteriori quartē vt patz
 in figura. Si autē linea
 fiducia caderet iter duo p̄i
 cta remouēdo voluclū de
 vno p̄icto ad reliquū p̄ trās
 itū ei⁹ in q̄tra altitudinis partē .pproportionalē inuenies vt factū est
 in p̄ima parte in .ppositiōe: 7 opare post modū per p̄icta 7 partē
 punctoz̄.



Propositiō duodecima

Altitudinē cuiuscūqz rei in se vsqz ad locū perpēdi culariter subsi
 stentē etiā loco nō viso siue inaccessibili sic etiā distantiā illā inter
 locū istū nō visū siue inaccessibile 7 oculū inuenire 7 totā quāritatē
 linee recte ab oculo ad rē visāz patefacere igitur. Si altitudo mē
 surāda in loco esset ad quē nō potueris accedere siue n̄ videre tūc
 vt prius suspēso cū manu tua sinistra astrolabio per ambo forami
 pinulaz̄ inspiciatur altitudo rei inaccessibilis 7 p̄icta tacta n̄ orē
 tur ad partē siue de ymbra recta siue de versa fuerit. Si r̄ locus
 pedis i terra notet 7 sit nota illa s: demū mouearis āre vel retro p
 ut fm̄ lineā rectā 7 quātūlibet 7 itez̄ per ambo forāia inspiciatur
 altitudis sūmitas: 7 signēt p̄icta itez̄ tacta: 7 silr loc⁹ pedis q̄ sit
 d 7 postmodū spacū iter f 7 d multiplica per 12 7 diuide summā
 p̄ictoz̄ dupliciū si de ymbra recta fuerit 7 resultās numerus erit
 quāritas altitudinis addita quāritate stature vt patet in hoc exē



Sic altitudo linea a b .i. pedū 27: prima statio pedis f. 7 p tūc li-
 neariual .a e 2 pūctis vmbre recte 4: scda linea visualis sic a c : 2
 statio scda pedis d: pūctavmbre recte 6 sic vt distātia iter duas sta-
 tōes pedis sine pedes 4: 7 statura vtrobiq; 4 pedes: Quos si mul-
 tiplicaueris p 12 erūt 48 7 si diuiseris p diam illoꝝ pūctoꝝ q̄ sūt
 duo exibit quāritas altitudis .i. cū additōe stature vt patet i figura

Itā sic p spaciū notū scitur altitudo
 ignota ita p altitudinē notā scit spaci-
 um ignotū 7c. Si at pūcta illa fuerit
 de vmbra verā reduc illa ad puncta
 vmbre recte: 7 illoꝝ cape diam: 7 vt

Propositio 13 p^{ri}o opare.
 Idē qd. ppō r pcedēs vnicā stationē
 faciēdo iuenire. Igit si essēs in loco
 vbi nō. possēs mouere pedes vel non
 velles spaciū quāritatē scias i sequēd
 partiz 7 i alijs vt sup opādū est vt pa-

Propositio 14 ter i figura.
 Altitudie rei sup mōtē erecte cui^o alti-
 tudis termin^o inferior 7 sūtras vidētur

oculo exire in valle mensura
 re. Igitur si altitudo esset sup
 mōtē vt turris vna 7 tu in val-
 le tūc altitudinē mōtis capias
 dupl:ci statōe vt sup. Demum
 altitudinē mōtis 7 turris si-
 mul sūt obsua: 7 p mā a scda
 subtrahē 7 hēbis q̄sitū vt pa-
 tet i exēplo. Sic altitudo tur-
 ris a b sup mōtē b c cuius alti-
 tudis sumitas a 7 terminus
 inferior b vidētur ab oculo ex-
 istere i valle Scias altitudinē ab a vsq; ad locū ppēdicularitē subst-
 itere q̄ sic c p 12 huius: postea scies altitudinē a b ad eūdē locū ppē-
 dicularitē: Subsistē p eādē: quo facto subtrahē minozē altitudinē a
 maiori 7 remanebit altitudo a b q; si ab aggregato ex altitudie mō-
 tis 7 turris subtrahās altitudinē mōtis remāet altitudo turris qz




Summitas et terminus inter locos istius altitudinis sunt due res distincte ite
 Proposicio 15 se et oculus existit a latere ut patet in figura.

Altitudinem cuiuscumque rei
 oculo exite in summitate atri-
 tudinis vnde dicitur aliquo ter-
 mino in plano usque ad locum per-
 pendiculariter subsistere altitu-
 dini et distantiā inter terminum
 visum et locum perpendiculariter sub-
 sistere iuenire et est distantia
 inter oculum et terminum in plano



visum sine linea recta parefacere Sit altitudo montis vel turris p q
 et fac ut sup illā altitudinē hēas aliqd de plano equidistanti or cōtel
 vel pōas unū asserē rectū et planū equidistantē orzōri: et sic g termi-
 nus in plano visus. Duo facto suspēde ipm astrolabium in manu si-
 nistra tā diu deprime vel eleua regulā q videas aliquē terminū in
 plano q sit g et nota pūcta q abscindit linea fiducia. Hora est locū
 vbi stas. Itē retrocede sup planū altitudinis sine lineā rectā et itē
 vide terminū g sic pōas eleuādo vel deprime do regulā et nota pūcta
 q abscindit linea fiducia: et nota locū vbi stas scdā vice. s. locū vbi ē
 plāra pedis tui q sit c. quibus factis vide q sit proportio maioris nū-
 ri pūctorū ad mī orē: talis est distantiā q est sup pūctū perpendiculariter
 subsistere scdē statōi q est q et g ad distantiā q est inter pūctū perpē-
 diculariter subsistere. me statōi q est p et g. Si autē linea fiducia i-
 tersecat latus vmbre recte tūc lōgitudō est maior altitudinis: et vide
 qualis proportio 1 2 ad puncta que abscindit linea fiducia talis ē
 lōgitudō ad altitudinē a q

subtrahere distantiā q ē inter ocu-
 lū nū et planū altitudinis et
 hēbis altitudinē c.p. si vō li-
 nea fiducia cadit sup lat⁹ vmb-
 re vlc tūc altitudo ē maior
 lōgitudinis et tūc vide qlis ē. p
 portio 1 2 ad pūcta q abscin-
 dit linea fiducia talis ē altitu-
 dinis ad lōgitudinē: et si in
 vna statōe caderet in conū
 qdratis in scdā necessario caderet extra ut patet in figura.



Propositio decima sexta

Altitudinē rei erecte in valle oculo existēte in mōte z vidēte sumitā
 12 z terminū inferiorē altitudis inuenire. sit altitudo erecta a b in
 valle z oculus sit in mōte c d scias altitudinē mōtis in quo ē ocu-
 lus ad sumitatem in quo est oculus altitudinis existētis in valle
 q̄ ē altitudo e c. Et itē scias
 altitudinē mōtis euidē ad
 terminū inferiorē altitudinis
 existētis in valle q̄ ē altitudo
 e f p̄ p̄cedētia deinde subtra-
 has altitudini e c e ab altitudi-
 ne f c z remanebit linea e f q̄
 est equalis altitudini quesite
 vt patet in figura.



Propositio 17

Adē qd̄. ppōit p̄cedēs in ter-
 mino inferiori altitudis exi-

stētis in valle: nō viso t̄ termino aliquo i plāo inuenire ac etiā distā t̄
 am inter t̄ minū istū z sumitātē eiusdē altitudis scd̄am lineā rectā
 patefacere. Sit altitudo in valle existēs a b cui⁹ sumitas scz a videt̄
 b oculo exiēte in mōte c d z t̄ mino b nō viso z sit g punct⁹ in plāo
 q̄ videt̄: z d p̄ncipus p̄p̄dicularit̄ su: sistēs ip̄i a. Et p̄cedētib⁹ scis
 as altitudinē c d itē scias altitudinē f c ponēdo q̄ a sit t̄ minus
 visus imaginata linea a f eq̄ distāter p̄d̄i linee b d z sic docet p̄ce-
 dēs hēbis lineā f d q̄ ē eq̄lis a b z hoc ē primū. Itē scias a f line-
 am p̄ scd̄az partē duodecie huius z ip̄a ē eq̄lis b d q̄ ē distātia p̄i-
 ctōz p̄p̄diculari subsistētū z hoc ē correlariū. Scias et̄ lineā
 g d per eādē scd̄am partē 12 huius primi: quā subtrahē a toto f a
 q̄ ē equalis d b. z remācbit lineā g b z hoc est scd̄m. Nota q̄ illd̄
 exemplum est idem z in p̄iori.

Propositio 18

Et cessū cuiuscūq; altitudis sup̄ aliā oculo exiēte in vna siue in alti-
 ori siue in dep̄siori z vidēte sumitātē alt̄ ius aliquē t̄ minū dep̄siorē
 eis inter eas existentem z distāciam inter terminum istum z locū
 cum p̄p̄dicularit̄ subsistētem vtriq; altitudini z lineas re-
 ctas ab isto termino ad vtriq; sumitatem habere. Sint altitu-
 dines inēuales a b z c d z sit altior: z in prima existat oculus:
 per p̄cedentem scias a b z per duodecimam d c: z subtrahē a b

a c d ⁊ residuū est excessus e d. super a b. distātia g b. ⁊ g d. q̄ra
 vt docet p̄cedens ⁊ etiā lineas a g. ⁊ c g. vt patet i figura p̄cedēti
 p̄positiōis. Si vero oculus existit in depressiōi: pone illud planū
 equidistāter horiḡonti super eū: ⁊ imaginariis a f. ac si esset planū
 equidistās horiḡonti ⁊ f c. esset altitudo super eā erectā quā q̄ra
 vt docet nona p̄positiō ⁊ ista altitudo est excessus maioris super
 minorē. Deinde scias altitudinē a b uer duodecimā quā ad de f c.
 ⁊ habebis altitudinē c d. si eū queris q̄uis p̄posito nō p̄ponat.
 Deinde scias lineā a f. per nonā huius a qua subtrabe lineā g d.
 lineas a g. ⁊ g c. q̄ras vt docet multe p̄positiōes ⁊ hoc p̄z i figura

Secūde hui⁹ particule scde
 p̄positiō prima.



Planimetrā hoc
 est longitudinū
 mensuras diuul
 gare. Habita
 noticia d'ctoz in superiori
 parte faciliē intelligetur p̄
 positio ista. Nā ubi primo
 p̄ longitudinē notā sciebas
 altitudinē ignorā hic vero




p̄ altitudinē notā cognosces longitudinē seu planiciem ignoram
 planū inaccessibleē cuius terminus videtur metiri fiat hoc mō.
 Sic planicies a b. cuius quāritatē q̄ris Erige virgā perpēdica
 riter super extremitate vna plani q̄ sic. a c. Demū cū astrolabio de
 manu per armillā suspēso firmata lineā fiducie super lineā um
 bre medie ascende ⁊ descēde donec lineā
 visualis per ambo foramina transiēs ex
 tremitati plani mensurādi occurrat ⁊ sic
 lineā b d. Tunc dico q̄ quāta ē quāritas
 lineē. d. a. tibi nota: tanta est quāritas li
 nee. a. b. qd̄ fuit p̄positū. Pro ista p̄
 positioe correspondet nona hui⁹ p̄cedē
 tis particule Sed istud nō videtur vtile
 nisi forte planicies. a. b. esset inaccessibleis
 vel intersciet vna fouca vt patet in figura.



Propositio secunda.


Plani cuius terminus videtur longitudinem inuenire. Stante planicie vt prius a b. 7 statura o a. vel virga vbicūq; occurrat oculus in virga moue alidada donec radius visualis trāseat iens p ambo foramina plani termino occurrat: tūc si alidada cadit sup vmbra recta: altitudo seu statura est maior planicie in tāto in quāto puncta tacta excedūtur a 12. Practica igitur sic multiplica pedes stature qui sunt 12 per pūcta vmbre recte q̄ sunt 6. 7 pductū diuide per omnia que sunt 12. 7 exhibit quātitas plani scilicet pedū 6. vt in figura. Et istud co respōdet decime propositioni huius: 7 tu vide differentiam in modo practicandi.



Propositio tertia.

Stante vero tali dispositione si voluella caderet super latus vmbre verse vt fere semper accidit in practica: tunc longitudo seu planicies maior est altitudine vel statura in tanto in quanta puncta tacta exceduntur a 12. Practica igitur sic: multiplica staturam notam per 12. 7 productum diuide per puncta tacta vmbre verse 7 exhibit longitudinis mensura vt patet in figura.


Cuius statura est 12. planicies 24. et puncta vmbre verse 6. Et istud correpondet vndecim propositioni superioris partis 7c. Et illa puncta vmbre verse reduc ad puncta vmbre recte 7 postea operare vt dictum est in secunda propositione istius.



Propositio quarta.

Sed si esses super vna turri incarceratus taliter qd nō posses descendere vsq; ad pedem turris vel non velles: 7 velles scire quātitatem certi spacij tunc operare sic. Sic turris s t. spaciūm t e. tūc

stante oculo in puncto s. per ambo foramina respicias punctum e.
 De mum descende prout vis 7 potes: 7 similiter capias puncta z
 nota ad partem 7 capias differentiam illorum punctorum si sunt
 de umbra recta vel reduces ad puncta umbre recte si sunt de um
 bra versa 7 similiter cape differentiam 7 serua: postea multiplica
 distantiam que est inter s. s. per duodecim 7 diuide per differen
 tiam punctorum seruata
 7 erit quantitas e. quod
 fuit intentum vt patet in fi
 gura. Nam si e est pedum
 duodecim s. pedu quatuor
 puncta umbre verse in pun
 cto s. 6. z. in puncto s. 4. t. e
 est 24. pedum: 7 correlarie
 ex hoc possent deduci pro
 ut in duodecima propositi
 one anterioris partis cui hec respondet.




Propositio quinta.

Sed si altitudinis quantitas esset ignota scilicet turris per qua
 vis capere quantitatem longitudinis videas ex vna parte quan
 tate eius per ppositiones antecedens prime partis: demum opera
 re per propositiones immediate antecedens: Hoc correspondet
 propositioni tredecime 7 istud totum manifestat figura.

Propositio sexta

Mediante linea visnali sci
 tur hoc modo sine instru
 mento longitudo plani.


Sit longitudo s. t. cuius
 quantitatem queris in vno
 capite firmam vniam vir
 gam rectam que sit s. e. De
 mum vniam aliam habes
 equidistantem horizonti:



que sit r. n. a. tunc per summitatem virbe s. e. respicias terminum
 plani per lineam e. t. et nota in virga s. n. a. punctum contactum


qui sit .n: tunc dico q̄ tres sunt linee note per quas potes habere vnā ignotā. Nota est primo a.e. 7 f.e. 7 f.n. per quas potes scire a.t. quod est propositum hoc modo Multiplica .a.e. i 2 per quantitatem f.n. scilicet octo pedum: 7 quod prouenit diuide per quantitatem f.e. scilicet 4 pedum: 7 exibit quantitas .f. t. scilicet 24 pedes vt dicam theorice. Multiplica quantitatem notā per latus dispar alterius trianguli: 7 quod prouenit diuide per tertium notum 7 habetur propositum vt patet in figura.

Claret hoc pro 56 77. pro positionibus precedentis quib⁹ correspondet. Quod etiam ampliare potes si illa intellexisti.



Propositio sexta.

Per speculum mensuratio plani fieri potest hoc modo: Speculū sit iacens in plano a b sicut prius in propositione 8. prime 7 iacēs in virga c b intelligatur erecta: 7 linea que prius significabat altitudinem scilicet a b. modo significabit plani longitudinem: 7 reliqua que prius significabat planum sit linea p perpendiculariter instans longitudini in plano in quo debet poni speculum super vnū latus c b. 7 tu stabis inter speculum 7 terminum plani mensurandi: 7 ita intelligatur figura. Similiter aliquāter posses per vmbra cum instrumento planum metiri iuxta ordinem prime secunde 7 tertie propositionis antecedentis: 7 etiam sine instrumento per quartā propositionem eiusdem. Sed hoc ingenio cuiusq; dimitto.




Propositio septima

Distantiam duorum cacuminum duorum montium vel quarūcunq; magnitudinū oculo existente in cacumine vno montis 7

vidente cacumen alterius. Sint ergo duo montes vel quatuor
 due magnitudines scilicet a et b. et sit oculus super montem a siue
 sint equaliter alteri siue unequaliter. Accipe vnam virgam rectam
 et planam et supra montem a sic eam situa quod videas summitatem
 b super virgam illam que sit virga c d. sic pone oculus in vna eius
 extremitate scilicet in puncto c et videto per punctum d. simul ut
 videas cacumen montis b. et talis virga sic situata de cetero voca
 bitur deferens visum. Quo facto super virgam sic situatam eri
 ge duas virgas ut docet precedens et opereris ut precedens do
 cet. Quia illa virga cum visualem radio supra imaginato contingens
 usque ad summitatem b se habebit ut in precedenti planum se ha
 bebat ut patet in figura.

Propositio octava.


Longitudinem vallis oculo existen
 te in monte et vidente pedem mon
 tis mensurare Longitudo vallis dici
 tur distantia que est inter cacumen
 montis et pedem eius descendendo
 per lineam rectam. Sit mons a cu



ius pes b videtur ab oculo existente in eius summitate opereris
 sicut in summitate montis videlicet: situetur linea deferens visum
 ad pedem eius qui est b. et sit linea deferens visum c d. supra qua
 erigas duas virgas rectas dupliciter si queras hoc habe ut do
 cet sexta huius ut patet in figura.

Propositio nona.

Longitudinem ascensus oculo
 existente in pede montis
 et cacumine vidente inueni
 re. Longitudo ascensus dici
 tur distantia que est inter
 pedem montis et summa
 tem eius secundum lineam rectam




sicut in precedenti situabas lineam deferenti visum in summitate
 montis ita nunc eam situabis in pede et opereris ut in precedenti et
 ut patet in figura.

Propositio decima:

Distantiam altitudinis ab aliquo loco in plano signato oculo existente in summitate et vidente locum signatum secundum lineam rectam inuenire. Sit altitudo montis vel turris a. locus signatus in plano b. in altitudine ponatur linea deferens visum et operare. ut in prima usque ad locum b. que sit c. d. et opere ut prius ut patet in figura.

Propositio undecima.

Distantiam altitudinis a loco in plano signato et oculo existente in plano signato et vidente altitudinem secundum lineam rectam mensurare. In plano in loco signato ponatur linea deferens visum ad altitudinem ut prius ut patet in figura.



Propositio undecima.

Longitudinem ascensus cuiuslibet montis cuius pes et cacumen videtur ab oculo existente in alio monte mensurare. Sit mons a cuius pes b. et cacumen c. videntur ab oculo o. existente in monte d. siue pedes se tangant siue non siue equalis siue inequalis. Sed as lineam o c per septimam huius et lineam o b. per decimam; et precedentem habebis lineam c b. que est longitudo ascensus secundum lineam rectam ut patet in figura.

Propositio decimatercia.

Longitudinem ascensus mensurabis oculo existente in plano et videte ad pedem et cacumen inueniunt. Scias distantiam ab oculo tuo ad pedem per secundam tertiam et sextam propositionem huius et distantiam ab oculo ad cacumen per 11. et 12. propositionem huius et habebis quantum ut patet in figura.

Propositio decimaquarta.

Distantiam pedum duorum montium existente super unum et vtriusque pedem vidente mensurare. Scias longitudinem vallis montis in quo es per octavam et duodecimam distantiam inter oculum et pedem alterius montis per decimam et duodecimam; et habebis quod queris ut patet in figura. Sed iste 13 14 15. possunt haberi per duodecimam sed eas posuimus videatur utilitas.

Propositio quintadecima.

Quarumcunq; rerum duarum distantiam oculo existente a latere & utranq; vidente distantiam inuenire. Oculus a latere existere dicitur quando non est eadem recta linea cum istis duabus rebus visis. Sint a & b. due res distantes siue montes siue turres siue quecunq; alie res siue vna sit alta & alia depressa vel qualitercunq; se habentes: scias distantiam inter utranq; earum ad oculum per precedentes. Deinde accipe tabulam planam que visum deferat ad utranq; irem visam & sit tabula c d e f. postea pone oculum in modum vnus lateris tabuli & vide a & sit oculus in puncto o. Et nota vbi radius visualis interfecat latus oppositum & sit punctus g & iterum oculo existente in o vide b. & nota vbi radius visualis interfecat latus oppositum & sit punctus h. Deinde protrahe duas lineas rectas que sunt o g & o h. quia linee o b. & o a sunt note erit proportio eor; nota: tunc de lineis o h & o g abscinde duas partes in tali proportione se habentes quali se habent o b & o a. & sint iste partes o k et a c et duc lineam rectam a puncto k ad punctum c que sic k c. Quibus ordinatis vide qualis sit proportio o k ad k c talis est proportio o b ad a b que est distantia inter a b vt patet in figura.

Propositio prima tercię partis.



Terminum hanc est profunditatem quantitates ostendere. Putei gigitur cuius terminus videtur inferius profunditatem habere. Terminus inferior dicitur aliquis punctus communis lateri putei & fundo eius. Metuuntur autem profunditates eodem modo vt altitudines nisi q; astrolabiu ponitur cu alidada sup extremitate profunditatis q; tenet locu altitudinis & respicitur p ambo foramina pars opposita profunditatis q; tenet locu spacij vbi ponebat alidada prius & sic altitudinem notam deueniemus in cognitionem profunditatis ignore sicut prius sper



paclum notum cognoscebamus altitudinem ignotam. Nam sic respiciendo terminus interiorē putasi linea fiducie cadit supra vmbra media erit profunditas equalis latitudini vt patet in figura. Et habetur in nona propositione prime.


Propositio secunda
 Si vero iuea fiducie cadit super vmbra recta: sic profunditas est maior latitudine. Et practica eiusde propositiōis sic vt patet in figura.



Propositio tertia
 Si autem ceciderit ipsa sup latus vmbre verse tunc profunditas est minor latitudine vt patet in figura. Et practica sim doctrinā tertij vnde decime propositionis.



Propositio quarta
 Quid si nō possēs bene habere latitudinis quantitatem operare sim doctrinaz propositionū prime partis stando cum pedibus super orificio profunditatis vt figura manifestat. Et eadē possunt multipliciter variari operationes sim propositiones alias positas superius in prima parte.



Propositio quinta
 Et similiter possumus sine instrumento cum virgula de linea visuali: metiri profunditatem proportionabiliter vt dicebatur in quinta sexta et septima prime partis allegate vt in exemplo. Sic putatis a b c

huius terminus inferior videtur .s.b. Accipe vnam virgam rectam
 vel chordā bene tensam ⁊ eam pone diuētraliter super os putei
 que sit linea a d. Postea accipe vnā aliam virgā rectam note quā
 tūctatis quā pone perpendiculariter super lineā rectam a d. in termi
 no .a. que sit linea a g. ⁊ pone oculū in eius summitate .s. in pun
 cto g. ⁊ vide b. ⁊ nota vbi radius visualis itē secat diametru oris
 putei que est linea a d. qui punctus sit h. Quibus ordinatis vide
 qualis sit proportio h a ad a g. talis est proportio b d ad b d. ⁊ ita
 est profunditas putei vt patet in figura.

Propositio sexta.

Per speculū putei profunditatem habere potest hoc modo. Sit
 puteus a b c. Accipe vnam virgā rectam maiore demetri oris pu
 tei ⁊ pone eam super os putei sicut est linea d e ⁊ in ipsa ponas spe
 culum q̄ respiciet profunditatē putei que sit b. pone oculū vbi sus
 e magis infra q̄ sit os putei ⁊ tam diu moue oculū q̄ in speculo
 videas terminum b ⁊ nota locum oculi qui sit f. Deinde quere in

virga d e. punctus vbi linea
 veniens ab oculo caderet p
 perpendiculariter super f. qui
 sit g. quem punctum g sic in
 uenies; accipe vnā aliud spe
 culum ⁊ illud qd habebas
 qua prius nota puncto b. ⁊
 in isto speculo nota aliud
 punctū hoc est aliud signū
 valde parū ⁊ tam diu mou
 ue speculum in linea d c. do
 nec videas punctū ita q̄ ra
 dius visualis recte trāseat p
 cū ⁊ ille est locus quesitus.
 Quia radius visualis cadit
 recte similiter in eodē pūcto
 perpendiculariter. Quibus
 ordinatis vide qualis sit proportio b g ad g f. talis est b d a qua
 sub trabe a d ⁊ remanet a b. profunditatis putei vt patet in figura
 Et hec de profunditatibus pro nunc ⁊c.



Notandum q̄ si non haberes scalam ⁊ velles metiri per quartā
 altitudinis ecce ponitur tabula per quā scias puncta vmbre re-
 cte correspondentiā gradibus altitudinis

g̃	p̃	m̃	g̃	p̃	m̃	g̃	p̃	m̃	g̃	p̃	m̃
1	0	13	18	3	53	35	8	20	52	15	21
2	0	25	19	4	8	36	8	43	53	15	55
3	0	38	20	4	22	37	9	3	54	16	30
4	0	50	21	4	36	38	9	22	55	16	5
5	1	3	22	4	51	39	9	43	56	17	47
6	1	16	23	5	64	40	10	4	57	17	29
7	1	18	24	5	21	41	10	26	58	18	12
8	1	41	25	5	36	42	10	48	59	18	58
9	1	54	26	5	51	43	11	35	60	20	47
10	2	7	27	6	7	44	11	35	61	21	40
11	2	20	28	6	21	45	12	0	62	22	33
12	2	33	29	6	39	46	12	26	63	23	3
13	2	45	30	6	56	47	12	52	64	24	30
14	3	0	31	7	13	48	13	20	55	25	42
15	3	13	32	7	30	49	13	48	66	26	57
16	3	26	33	7	48	50	14	18	67	25	44
17	3	40	34	8	6	51	14	49	68	26	57

Et ista propositio sit utilis pro omnibus mensuris capiendis.

Et notandum hoc hanc regulam. Diuide quantitatem notam ad
 tot partes quot sunt puncta vmbre recte ⁊ vna de illis duo quo-
 tiens sumpta reddit summam ignotam: siue sit illa a litudo siue
 longitudo siue profunditas. Vel diuide quantitatem nota per 12.
 ⁊ vna illarum partium tot vicibus sumpta quot sunt puncta vmbre




recte reddit quantitatem ignotam.

Superficiales are manifestare. Postq̄ scueris lon-
 gitudinem rei de latitudine facilliter potes in noticiā
 capacitatis superficiē illius deuenire.

Propositio prima quartę partis

Superficies si fuerit rotunda tunc per dicta scias quantitatem dia-
 metri ⁊ ducas medietatem eius in medietatem circumferentię cir-
 culi ⁊ habebis propositum. Circumferentię quantitas scitur tri-
 plando diametrum ⁊ addendo sibi septimā partem diametri vs

patet in figura. Cuius diametri sit 7 pedum
 erit area sua pedum 38. et si mediabis scias
 aream medietatis et sic de alijs partibus. De
 hoc solent dari regule plures sed composi-
 nes in vnum concurrunt.



Propositio secunda.


Si si superficies fuerit triangularis et sit tri-
 angulus isopleter trium equalium laterum
 tunc multiplica medietatem vnius lateris per cathecum scilicet et li-
 neam perpendiculariter ductam a medietate illius lateris ad an-
 gulum oppositum. Vel multipli-
 ca medietate catheci per vnu latus
 et reuertitur in idem patet in figura

Propositio tertia

Sed si sit superficies triangula scilicet
 duorum equalium laterum
 tunc multiplica medietate
 maioris lateris per suum
 cathecum. Vel duc medie-
 tatem catheci in minorem
 lineam et erit idem vt patet
 in figura.

Propositio quarta.


Sed si sit superficies trian-
 gula orthogona tunc du-
 cas duo latera anguluz re-
 ctum continentia in se et
 summe capias medium et
 est area illius trianguli vel
 medietatem vnius illorum
 duorum laterum in totum
 aliud ducas et est idem in
 totum vt patet in figura.



Propositio quinta.


Similiter fit de triangulo
ducendo cathetū ab angulo obtuso vt patet in figura

du




Propositio sexta.

Superficiem autē triangularem
gradatā scilicet trium inaequalium la-
terum vbi non sit orthogona tunc
ab altero angulorū ad latus oppo-
situm ducas perpendicularē quā
ducas in totum latus illud super
quo steterit ⁊ habetur propositum
cupiendo medietatem producti vt
patet in figura. Cui operare vt pri-
us de vno quoq; illoꝝ duozum
triangulorum per superius dicta.




Propositio septima.

Superficies quadrata metitur
ducendo vnum latus in seipsum
semel vt patuit in figura.




Propositio octaua

Superficiē tetragone area sciur
ducendo vnum latus ex maiori-
bus in vnum ex minoribus vt pat-
et in figura.




Propositio nona.

Pentagone figure area scitur equalium laterum vt vnum latus in seipsum ducatur ⁊ triplata summa a toto quantitas vnus lateri dematur ⁊ residui medietas ostendit propositum vt patet in figura.



Propositio decima.
Area superficiici que dicitur elmubain: et similis elmubain cuius apparēt hic figure inuenitur hoc modo Ab vno āgulo ducas perpendicularem super latus oppositū ⁊ perpendicularem illam ducas in latus super quod steterit ⁊ cetera. De alijs autem superficiibus scias areas resoluendo ad angulares ⁊ superficies vt patet in figuris.



Propositio prima

Corporum quantitates metiri scilicet si erit triangulare vniforme vt vna turris vt patet in figura. Multiplica aeream superficialē

basis eius qui est triangulus siue in longitudinem turris vel alio
rius corporis et habes oppositum.

Propositio secunda.

Si vero fuerit corpus illud vel turris disforme
vniiformiter vt patet in figura. Tunc scias aream
superiore et inferiore et iunge illas simul et producti ca
pias dimidium et eius quod remanet multiplica in
totam longitudinem.

Propositio tertia.


Si vero esset corpus pyramidale vt turris .s. tunc
capias aream basis et duc eam in longitudinem a cono ad
balem et producti tertia pars est capacitas eius vt
patet in figura.

Propositio quarta.

Si vero fuerit corp^{us} quadratum tunc multiplica aream vni^{us}
longitudinis in seipsum et habes oppositum vt patet in figura

Propositio quinta.

Si fuerit quadrangulare vt turris duc aream lon
gitudinis in latitudinem et similiter facies si fuerit
plurium laterum vt figura ostendit.



Proposio sexta.


Similiter fit de vna fouea vt ducas aream superficialem in profunditatem si fuerit equalis. Sed si fuerit difformis tunc capias aream media 7 deducatur in profunditatem 7 prouenit intentum vt patet in figura.

Proposio septima.

Et eque proportionabiliter dicendum est de corporibus pyramidalibus multorum laterum vt dictum est de trilateribus cum sunt ipsa suorum corporum vniformium tertie partis capacia vt patet in figura.

Proposio octaua.


De corpore vero spherico non habetur scientia recta: sed dicunt auctores qd capiatur manus quadratum spherici 7 cubetur 7 summa diuidatur per 21 7 multiplicetur quoties per vndecim 7 prouenit capacitas corporis spherici vt sit diameter corporis spherici pedū 7.7 cubetur quadratum eius 7 capiet pedes 343. Quos si diuiseris per 21. prouenit 16. $\frac{2}{3}$ 7 si multiplicaueris in totū scilicet 179. $\frac{1}{3}$ vnus pedis vt patet in figura. Et similiter poicta supra potes facilliter scire corpulentiam pyramidis rotunde ducendo aream basis in longitudinem 7 producti tertia pars est intentum vt patet in figura.



Propositio nona

Et per dicta faciliter possunt scri capacitates & continentie vaso-
rum quozumcunq; & vniformium & difformium sciendo mensu-
ram paruarum quantitarum & videndo quot vicibus continen-
tur in vasis superius narratis; & similiter de vegere & de omni-
bus vt patet in figura.

Super quadrante vero magis de mensuris loquetur. Finis.



Astronomia.

II. 463.

